

ሳወ፡ አንፋር 39ይት ደረውት እጅትማዕ ገብእ እሎም

ቃእድ መርከዝ ተድራብ ክድመት ወጠን ኮሎኔል ደበሳይ ግዴ፡ ዮም 3 አገሱት እግል አንፋር 39ይት ደረውት ክድመት ወጠን ሸርሕ ሀቡ።

ሳወ ክልኢት ሀደፍ ዐባዩ በሀለት አትመምት ድራሰት 12 ፈሰል ተዐሊም አካዳሚ ወዋጅብ ወጠኒ ለገብእ እቱ መርከዝ ብንዮት ሸባብ ክምቱ ለሸርሕ ኮሎኔል ደበሳይ፡ ሸባብ ናይ አካዳሚ ወምህነት ቢቃዑም እንዴ ጠወረው፡ ምን አፍካር ጨቢብ እንዴ ፈግረው ናይ ወጠንዮት ወጅንሰዮት ተፍኪር እግል ልጠውሮ፡ ናይ ዐቅል ወገሮብ ደቅብ ለቦም እንዴ ገብአው ዐዶም እግል ልብነው ወሰዶደተ እግል ለአድምኖ ከም ልትሰአው አብርሀ።

ሸዐብ ኤረትርዮ ለሐልፈ መራሕል ሰዱድ ወለደፍዐዩ ዐውል ቃሊ እንዴ ዘክረ፡ ሀደፍ ክድመት ወጠን፡ ብንዮት ወጠን፡ ዐመሮተ ወአድመኖት ሰዶደተ ሰበት ቱ፡ ክል ሻብ እሊ ምሃም እሊ እብ ዋጅብ እንዴ ፈሀመ እብ ፈዛዐት ወንዮት



ሰኢሊ ሙሴ ኪዳን

እግል ልክደም አትፋቀድ።

እት ሳወ፡ ዲበ ጸንሐ እቱ ናይ ሐል ወክድ፡ ናይ አካዳሚ፡ ዐስከሪዮት፡ ሰዶሰት፡ ርዶደት፡ እብ ኬወ ለተምም ወራታት ከም ወዱ።

ሕክመት ህዩ ክሉ ለለኢትሐዝዮም አሳሲ ሓጃት እዱሊት እግሎም ክም ህሌት ለአከደ ኮሎኔል ደበሳይ፡ ለልትሀዩዮም ድራሰ እብ ዋጅብ እንዴ ታብዐው መስተቅብሎም

እግል ለአድምኖ መክረ።

ኮሎኔል ደበሳይ ግዴ እት ደንጎቤ ከም ክሉ ለሐልፈ ደውራት፡ አንፋር 39ይት ደረውት ክድመትመ ፍቲ ወረሕመት ሕድ እንዴ ጠወረው



ወፈዛዐት ወጠንዮት እንዴ ወቀለው ለልትሀዩዮም ብራምጅ ሸቅል እበ ተአሰትህሉ እግል ለአትምም እንዴ ትፋነ ትምኔቱ ሰኔት ሸርሕ እግሎም።

አንፋር 39ይት ደረውት ክድመት ወጠን ዲበ ሀበው ረአይ፡ እብ ሸዐብ ወሕኩመት ለገብእ እግሎም ክሉ ከም ልፍሁመ እንዴ ሐበረው፡ ለትሀዩዮም መምርሕ መዕነውዮቶም ለወቅል ወመስተቅብሎም እትጃህ ለለአጸብዋ ሰበት ቱ፡ መዳሊት እንዴ አትመመው ሳወ ከም ትክረው አፍሀመው።

ዳላሱ፡ መሀረጃን ኤረትርዮን ሰካን አሜሪካ ትሰልገል

52ይ-ናይ ሐል መሀረጃን ኤረትርዮን ሰካን አሜሪካ፡ “ሰባትን ደማኑትን” እብል ትብል ሰቅራት፡ ምን ዮም 31 ጁላይ አስክ ዮም 2 አገሱት ዲብ መዲነት ዳላሱ-ቴክሳስ እብ መሻረከት ውቅል ወምራድ ወጠንዮትገብአ።

መሰኡል ሸኡን ተንዚም ጅብህት ሸዐብዮት እግል ዲሞቅራዊት ወዐዳሉት አሰይድ ዩሱፍ ሳይቕ፡ አንፋር ሰፋረት ኤረትርዮ ክምሰልሁመ ለቡብስ ዐዳት ለትሰርገው ቤጽሐት እንዴ ተለው ለተጀመዐው እብ

መትምማይ ቅደይ ሰፋረት ኤረትርዮ አሰይድ ብርሃኔ ገብረህይወት ዲበ አሰመዩ ከሊመት፡ እሊ ዐዳት፡ ታእሪክ ወሰዋልፍ ሸዐብ ኤረትርዮ ለለአርኤ ጽቦዋ እቡ ለትረዘቀ መሀረጃን፡ ምን ከርሱ-ዐዳ እንዴ ፊመ ለትብር - እብ ፍቲ-ወጠኑ ለትከለበ መዋዋን፡ ዲብ ሐቲ-ጢሾ እንዴ ትዐገለ ህዋዩቱ ወዐውቲታቱ ለልዐይድ ዲቡ፡ ለጀረ ዲቦም መታክል እግል ልትዐደዉ ለሓለፈው ለልሀድጎ ዲቡ ወቅድሮታቶም ለነዝዋ ዲቡ፡ ክምሰልሁመ አምር ወሐብሬ እግል ልትባደሉ ዲቡ ምህም ዐግሎ ክምቱ

ውቅል ወደር-ምህም ናይ ሸባብ ለትርእ ዲቡ መሀረጃን፡ መሰኡል መዲነት ሪቻርድሰን ቴክሳስ፡ ዲብ ውላዮት ቴክሳስ ነፈር ምጅልሱ ክምሰልሁመ ብዕዳም አምሪኪዩን ወውላድ አፍሪቀ ለብኡቶም መሳኒት ኤረትርዮ ወኤረትርዮን ክም ሻረከው፡ ለበጽሐኑ ከበር አፍሀመ።

ናይ ዮም ዓመ መሀረጃን ኤረትርዮን ሰካን አሜሪካ፡ እብ ዕፌ ዐዳት ወፈን፡ ታእሪክ-ገዲም ኤረትርዮ ለሸፊሕ ፍገሪት-ብሐሰ ወተእኪደት ለጸብጠ ዕፌ-ቅሰሱ፡ ወመሐደራት-

495 መደርሳትን ረውደት ተእሂል ልትሀዩበ

እግል ዝያድ አሮት ወፊሕ ተእሂል ነስኦ ለጸንሐዩ ምን አቃሊም ዐንሰበ ወቅብለት በሐር ቀዩሕ ለትወክለዩ 495 መደርሳት ረውደት ልትደሐረ እት ህለዩ፡ 61 ሰብ-መሰል ሰኔት አንሳት መደርሳት ህዩ አትናያት ገብእ እግለን።

እት ዮም 1 አገሱት ዲብ ኩልዮት ሐርሰ ሐመልማሎ ዲብል ገብኢት ዐደት-ካቲመ፡ ደረሰ እብ ህግያታት ትግሬ፡ ትግርንዮ፡ ዐረብ ወብሊን ተእሂል-ረውደት ክም ነስኦዩ ተሐበረ።

መመቅርሐይላ ተእሂል - ምን ቅሰም ብሐሰ ወጠወርት መቅደረት አዳም አሰይድ ዳዊት ክፍለዮሱሱ ለተእሂል አተላላይ ናይላ ምንላ ሐልፈት ሰነት እንዴ አምቡት እብ ተንዚም-ሐዲስ ገብእ ለህለ ተእሂላት ክምቱ ሐቀለ ሸርሕ፡ ረውዳት፡ መጃል፡ ገበይ ወአሳሰ ብቅዴ ምህሮ ሰበት ቱ፡ እብ ለትወቀለ ልትከደም ዲቡ ክም ህለ ሸርሐ።

እምበል እሊ፡ ዲብል መናሰበት ምን-ረውደት አስክ 2ይት-ደረጃት ከደማት ለሀበዩ 61 ሰብ መሰል-ሰኔት ላተን መደርሳት አትናያት ገብእ እግለን።

ለመደርሳት፡ ምን ኩሉ አቅሊም ዐንሰበ ለትሐረዩ ክምተን ለሐበረ መሰኡል ፈሬዕ ተዕሊም እስታዝ ክፍላይ ዐንዴሚካኤል፡ ለገብእ



እግለን አትናያት፡ ዲብ ሸቅለን ዝያደ ሕሱራት እግል ልግብኦ ወእግል ብዕዳት መሰል እግል ልግብኦ ክምቱ አፍሀመ።

ወዚረት ተዕሊም ዶክተረት ሐሊመ መሐመድ ዲብል ቀደመተ ናይ መከለሲ ከሊመት፡ እግል ደረሰ ወሰብ መሰል-ሰኔት ላተን መደርሳት “አሰናይክን” ሐቀለ ቤለት፡ ሕክመት ከደማት ረውዳት እግል ልትወሳዕ ትነስኦ ለህሌት ምስዳር፡ ልትርኤ ለጸንሐ ድዕፍ ሐል እግል ልርከብ ለአመመት ክምሰልተ እንዴ ሐበረት፡ ደረሰ እበ ረክበዮሁ ድራሰ እንዴ ትሰደዩ ፈዳቢዮም-መዋዋኒን ዲብ አፍረዮት ዶረን እግል ልወቅለ ትፋኔት።



ወጠንዮት ረስሚ ሐቀለ ፈትሐ፡ እብ ለትፈናተ መሐበር ወጠን ለትዳሉ፡ ዐዳት ወሰዋልፍ ኤረትርዮ ወለሐልፈ ታእሪክ መጋብህተ ለለአርኤ ቀወሺ ዐፊ።

ሐቀለ ሸርሐ፡ እሊ እግል ልትዐወት ጅህድ ለወደው ወእግል ኩሉ ምሻርካይ ሐምዴ ቀደመ።

እሊ መሻረከት ዐሰርታት አላፍ መዋዋኒን አግደ ህዩ መሻረከት

ምህነት፡ ዕፌ መአሰሳት ኤረትርዮን ወፈርዶት፡ ሰሚናራት ወርክን-አክትብት፡ ክምሰልሁመ ንዳል አንሳት እግል ታእሪክ መድረሰት ሰውረት ለአለርኤ ጽቦዋ እቡ ጋምል አስመነ።

አሜሪካ፡ ናይ ሐል ዋዕል ኤሪትራጽን አምሪካዩን ተመ

“አሳስ ትሩድ - ሩእየት ነውር” እበ ትብል ስቅራት ምን ዮም 28 ጁላይ ዲብ ዳላስ ገብእ ለአስመን 8ይ-ናይ ሐል ዋዕል መትካም ልጅነት ወጠንየት ኤሪትራጽን አምሪካዩን፡ ምህም ቀራራት ወፊናታት እንዲ ሐሰፈ ተመ።

እትሊ 450 ወካይል አንፋር ጀብህት ሽዑብየት እግል ዲሞቅራሲያዊት ወዕዳለት፡ መሕበር ወጠን አንሳት፡ ሽባብ ጀብህት ሽዑብየት እግል ዲሞቅራሲያዊት ወዕዳለት፡ ሕድሪ ወብዕዳም ዐዘመት ለገብአት እግሉም ለሐድረው ዲቡ ዋዕል፡ ኩለን ተናዚም ወጠንያይት ልጅነት ዲበ ቀደመቱ ናይ ሐል ተቃሪር ጌማም እንዲ ወደየ፡ ዲበ ትመጽእ ሰነት አሳስ ለገብእ አፍካር ወፊናታት ሓለፈዮ፡ ዐውቱ ኤሪትራጽን ዲብ ምህር ወበቃዐት-ምህነት እግል አትናያት ለትጸበጠ በራምጅ ህዩ፡ ዕዉታም ኤሪትራጽን ሽባብ እግል ሐምም መሰል እግል ልግብአ ወእትጃህ እግል ለአጽብጦ ለሰዲ ሽፊሕ-ርሒብ ቀደመው።



ዲብ መፈወድየት ዓዳት ወርያደት ኤሪትራጽ መስኡል ፈሬዕ ብሐሰ ወውርስ ዓዳት ዶክተር ጸጋይ መዲን እብ ሸበክት ዲበ ቀደመየ መሐደራት፡ ኤሪትራጽ ደውለት ገዲመት ክምተ እብ ሕፍዝ ለተክከደ መብርሂ ሀበ።

መስኒ ኤሪትራጽ ላቱ ወድ ሶማል ዳርስ ሰፊር ዐሊ ፈቂ እብ ጀህቱ፡ ዶር ኤሪትራጽ ዲብ አከዶት ሰላም ወዐማር ዲብ መንጠቀት ቀር-አፍራቀ ክምሰልሁ መሰልና ሽዑብ ኤሪትራጽ ወማርሐቱ ዲብላ ቀደመየ ሽፊሕ፡ ተጃርብ ብንየት ወጠን

ወውሕደት ኤሪትራጽ እግል ኩለ መንጠቀት ወአፍራቀ ሐል እግል ልግባእ ለቀድር መሰል-ሰኒ ክምቱ አብርሀ።

መሻርከት፡ እተ መጽእ በራምጅ ለረከዘ ንቃሽ ፋዬሕ ሐቆለ ወደው፡ እንዲ አተረደው መርሐለት ለትጠልበ መሻረከት-ዋስዐት ናይ ሽዑብ ዲብ በራምጅ ዐማር ወመጋብህት እግል ልትክከድ ለለአቀድር ስታቲባት ሽቅል አፍገረው።

መትምማይ ቅደይ ሰፋረት



ኤሪትራጽ ዲብ አሜሪካ አሰይድ ብርሃኔ ገብረህይወት ህዩ፡ ዋዕል ፈዳልየት ለቀደመየ በራምጅ፡ እብ ወቅት ወመርሐለት ለትጠልበ ሽፋገት እግል ልግባእ፡ መሻረከት-ውቅል ናይ ሰብ ምህነት ላቶም ኤሪትራጽን እግል ትትክከድ እብ ለትወቀለ እግል ልትከደም ትፋኑ።

መስኡል ሽኡን ተንዝሚ ጀብህት ሽርብየት እግል ዲሞቅራሲያዊት ወዕዳለት አሰይድ ዩሱፍ ሳይቕ እብ

ጀህቱ፡ ሐን መራዐየት ልጅነት ወጠን ኤሪትራጽን አምሪካዩን ለከድመ ተናዚም፡ ርሒብ ወለለአሻርክ ዐግሎ እንዲ አዳለየ መሻረከት ሽዑብ እግል ልወቅሉ፡ ክምሰልሁመ ጃልያት እንዲ ‘ተረደየ ከደማት መጅተማዕ እግል ለግብየ ተሐሰበ።

ዲብ ደንጎቤ ዲብ ለትፈናተ ወራታት ወቀይ ዛይድ ለወደየ ተነዝማት፡ ጃእዘት አትናያት ተህየብዮ።

እዳረት አቅሊም ምግብ፡ ጌማም እዳረት፡ ዐማር ውብንየት-ተሕትየት ወዴት

እዳረት አቅሊም ምግብ፡ እት ዮም 31 ጁላይ ዲብላ ሰርገለቱ እጅትማዕ፡ ዲብ አወላይ ሰር-ሰነት ናይ ሰነት 2026 እግል ልትሸቂ ለትሰተት በራምጅ እዳረት፡ ዐማር፡ ውብንየት-ተሕትየት ጌመመት።

መመቅርሐይ ሽቅል አሰይድ ዘርኢት ተወልዱብርሃን ዲብላ ቀደመየ ሽፊሕ፡ ለሀደፍ እት ሰነት 2025 እንዲ ትበገሰ እት ሰነት 2026 እግል ልትከደም ዲብላ ገብእ መሻረዕ እብ መተንካብ፡ ለዐለ ዐውቱ እንዲ ተሐፈዘ ለትርኢ ድዕፍ ሐል እግል ልግባእ እግሉ ክምቱ ሐበረ።

መስኡሊን አቅሳም ወአፍርዐት



እብ ጀህቶም፡ መቅደረት ምህነት ሽቃለ እግል ትዕቤ ለገብእ ተክሂላት፡ አጅሀዘት ከደማት እጅትማዕየት ደማነት እግል ልርከብ ለትነሰአት



ምስዳር፡ ወራታት አትሳናይ ጽርግያታት ካትራም ወረድምየት ወገበይ-አገር፡ ክምሰልሁመ መሕበራይት ደሐን መዋዋኒን እግል ትትክከድ ለትሸቀ በራምጅ ለከሰሱ፡ እብ ዐደድ ለተለ ተቃሪር

ቀደመው።

ዲብ ሰነት 2026 ለትሸቀ ወለሰነ አክረት ወአሸርዐት እብ መጅብ እት ሰነት 2025 ለትቀደመ ተቃሪር ህዩ፡ አክረት-ሐርሱ፡ እብ

48 ምእታይት፡ አሸርዐት-እመን ህዩ እብ 95 ምእታይት ዐቦት ዲብ ለአርኢ፡ አሸረዐት እብ 72 ምእታይት ክም ነቅሰ በርሀ።

መሻርከት ዲብላ ትቀደመ ተቃሪር ሕበር ሐቆለ ሀድገው፡ አግደ ዲብ አጅሀዘት ተውዘዕ ማይ-ጽሩይ ሕሰር-ውቁል እግል ልግባእ፡ ለከርበ ክጡጥ ማይ-ጽሩይ ወፊሻይ-ርሶሕ እብ ሻፍግ እግል ልሰኒ፡ ክምሰልሁመ ጽርግያታት-ካትራም ወረድምየት ሕሰር እግል ልትህየቡ ለልብል አራእ ውበዕድ ቀደመው።

ወዘር ሕኩማት አቅሊም ሰፊር ዐብደለ ሙሰ ዲብላ ቀደመየ ናይ መከሰሲ ከሊመት፡ ለልትኡተን በራምጅ ዐማር፡ እብላ ፈግረት እግሉ ጀድወል ወቅት እብ ተማመት እግል ልትሸቂ ለሰዲ ረኣይ ሀበ።

ኤሪትራጽን

ክል አርቡዕ ለትጠ'በዕ ጀሪደት

መዳልያይ፦
- መሐመድ እድሪስ

ለይአውት ወአርተየት
* ዘህረ ዐሊ
* ፋዋን አድም

ተለፎን፡ 121797/201820 (258)
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡163471-07588045

አትአመሮት፡
ተለፎን፡ 125013፡ ዕ.ሰ.ቡ፡ 1284

ጋሽ-በርከ፡ መዐልማት እብ ወቀየን ጃእዛት ልትሰርገዩ

ፈሬዕ ተዕሊም አቅሊም ጋሽ-በርከ፡ ምስል ናይ ሽቅል ሰብ-ሸርከቱ እንዲ ተዓወነ፡ ዲብ ለትፈናተ ደዋር ምን 10 አሰክ 32 ሰነት ከደማት ሀይበ ለህለየ ሰብ መሰል-ሰኒት ላተን አንሳት ጃእዘት ሀበ።

እት ዮም 30 ጁላይ ዲብ መድረሰት ቦርዲን ጎጂ ዲብላ ገብአት ዓደት፡ መስኡል ፈሬዕ ተዕሊም እስታዝ ያሲን መሐመድ፡ ሀደፍለ በርናምጅ፡ ለምን ረውደት አሰክ ካልአይት ደረጃት ለትፈረረየ መደርሳት አትናያት እንዲ ገብእ እግሉን፡ ለብዕዳት መደርሳት እግል አትሳጃዕ ክምቱ ሸርሐ።

ወዘረት ተዕሊም ዶክተራት ሐሊመ መሐመድ እብ ጀህቱ፡ ቀደም እለ

እግል ደረሰ አንሳት አትናያት ወመሻረከት ዲብ ዐግሎ ተዕሊም እግል ትዕቤ ለአመመ በርናምጅ እብ ደረጃት ውዛረት ተዕሊም፡ እብ ፍንቱይ ህዩ እት አቃሊም ዐንሰቤ፡ ጋሽ-በርከ፡ ክምሰልሁመ ቅብለት ወግብለት በሐር ቀየሕ ገብእ ክም ጸንሐ ወፍገሪት ሰኔት ክም ወደ እንዲ ሸርሐት፡ እለ እብ ፈሬዕ ተዕሊም አቅሊም ጋሽ-በርከ ንሰኢት ለህሌት ምስዳር፡ ጃእዘት እግል ልንሰኢ ለቀድረየ መደርሳት መስኡልየት ለተክረሬዕ ወዘያድ ጅህድ እግል ሊደየ ለተክትናይት ሰበት ተ፡ ብዕድ መቃይሰ እንዲ አቃመመ እግል ልትወሳዕ ትፋኑት።

ሰብ-መሰል ሰኔት ላቶም አትናያት

ምራድ ሽቅል ለወቅል ወለብዕዳም እግል ልጅህደ ለለትናይት ምህም በርናምጅ ክምቱ ለሸርሐ ሐክም አቅሊም ጋሽ-በርከ ሰፊር መሕመድ ዐሊ ሕሩይ ህዩ፡ እትለ ሰልፋይት መርሐለት ለት'ሐረየ መደርሳት፡ ለረክበያሁ ኩብቱ ወጃእዘት ሐድ በቃዐት ክም ኢኮን እንዲ ፈህመየ፡ እብ ዕጹፍ እግል ልሸቀየ፡ ዐዘት ወቂመት አድረሶት ዲብ ዲብ አግማም ንኡሽ እግል ልሕለፍ እብ መዕጸም እግል ልትጸገመ ተሐሰበ።

እት አቅሊም ጋሽ-በርከ፡ 41 ምእታይት አንሳት ለብኡቶም 7,412 መደርሲን ክም ህለው፡ ወሳይቅ ፈሬዕ ተዕሊም ለአበርሀ።

3^ይ ክፋል

ላመ ምጽአቼ ለናይ አዜ፡ ናይ ፈረሕ ወስሩር ወዐማር ወገማል ተ ለህሌት። እግለ እተ ወክድ ለሀይ እብ ጀናዚር ወሰለሰል ደባባት አባይ ወፈታይ ለትደመረ ወከርቤ፡ ጽርግያ ዐዲ ቀይሕ- ሰንዐፌ- ሰርሐ፡ ሐቲ ዶል አሰረ እግል ተአብዲ ለቀርበት እግል አትሐደሶት ቱ ለዐላ፡ ምጽኢትነ እተ ሸብሃት። ለትደመረት እግል ተአትሐድሱ ወለሐምቀት እግል ተአትሓደሰ ሸእ ክቡድመ ምንዲመ ገብኤ፡ ዐማር እብ ግብአቱ ሰኒ ይማም ራቱፅ ቱ። ደሚርነ ልወቅ እት እንቱ፡ ወገጽነ ፋርሕ ሸዐብ መዲነት ሰንዐፌ ወመዲር ምዲርየቱ አሰይድ እድሪስ ዐሊ ሸከር ናይረት ኩቡቱ ወታመት ሕድርኖት ወደው እግልነ ወእብ ትሉሉይ ትገብእ እግልነ ህሌት ወዐለት።

እግል ወቀይ ወሰኔት ወዐማር ለመጽእ ህቱ እግል ኖሱ ወጠኒያይ ዋጅቡ እት ወዴ፡ እብ ውዳዩ ክሉ ፈትዩ ወለአቀርቡ። እትሊ ስድ እሊቱ ኣነ ለደሚርቤ ሐር ነትል ምንዬ፡ ከክምሰል በዐል በክት እበ ማሌ ሻርኩው መዳፈዐት ወዴቅቢት ስያደት፡ ወለዮም እሻርክ እተ ለህሌት፡ ዐማር ወጠን እት እትሐበን ወእትፎፈል፡ ክምሰል ገሌ እብዱይ ገዬታይዬ እርቱባይ እት እንቱ እብ ደሚር ሰርቤብ ወሰፈላል እግለ ናይ ደንጎበ ፍንቲትነ ለዐለት እተ ለታክየት እምበ ታሪክ አትቃምት ዐልኮ።

ተዋልልዬ ወሰርቤብዬ ለአግረሰ ሙሀንድስ ዐንዴብርሃን ገበየ መስኡል መሸርፅ ዐዲ-ቀይሕ ሰርሐ አምዕል ሐቲ ዕለት 30/05/2026 “እት ማይ ጸዐደ ዐዘመት ሰበት ህሌት ትገይሰ ማሚ” ክምሰል ቤሌኒ እብ ፈርሐት ትክብትኩህ። እተ ፈጅር ለሀ እት አፋዬ ሐቲ እንዴ ይእወዴ አስክ ማይ ጸዐደ እግል ኢጊስ እተ መገደመተ መኪነት ቀደመ መሀንድስ ምግሳዬ አትሳኔኩ። እበ ቀደም 26 ሰነት አምረ ምን ማይ ጨዐደ እብ ፍክ ሰኒ ሰዱድ ለክፍክ ምንዲ ገብእ እት ሰርሐ ልትከሬ ለክፍኩ፡ ሰርሐ ህዬ መስከበ ፍራስ ለናይላ ድፈዕ እተ ቱ ለሀሉ።

እሰልፍ እተ አነነትለ ዐዘመትነ ለዐለት እተ ክፈል ጃሽ መጸኣነ ሐቆህ ሙሀንድስ ዐንዳት እንዴ አጀዘ ሰርሐ እግለ “መቅበረተ ፍራስ እግል ንብጸሕቱ” ቤለዮም። እብላ ህዬ እተ መገደመትነ እንዴ ገብኣነ ለሰዋግ ወወኣነ ወህቱ ወአታክልቲ ለልትበህል መለሀይነ ወሕሴን ኣድም ወድ ሸዕብ ሐምሲትነ አስክ ሰርሐ ናይ ሐምስ ደጊገት እብ መኪነት ሄራር ሻፍግ ወዴነ።

ኣነ ለእግለ ክልኦት ሓል ወዴኮ እተ ጀብሀት ዛልአንበሱ ምን ረዩም ትቀዌት እቼ ወክለ ለሓለት መትፈራግ እግልዬ አቤት። እሰልፍ ለምን አጅለ ብጉስ ዐልኮ ዝያረት መቅበረት ሽውሀደ ጀብሀት ዛል

ሰንዐፌ! ፋቀዲቶ ማሌ ወዐማር ዮም!

አንበሱ አሳሚ እት እዘርዘር እግሎም ወዕለት እስትሸሃድ፡ “ዕለት 03/6/1998 ነፈር ሳልሳይት ደውረት ክድመት ወጠን መርሃዊ ጸጋይ በህተ፡ መናድል ሳልሕ ዲኒ መናድል ፍሰሃዬ ጨምት፡ መናድል ተኪኤ ሐኪም፡ ብዕዳም፡ ዕለት 09/06/1998 ሳልሕ ጩዋይ፡ ዋዑማይ ያሲን፡ ዕለት 27/7/1998 መናድል ካፕቴን ዑስማን ጀሃር ትሌንቴ አንገሶም፡ ዕለት 01/09/1999 ሚርሓይ ሓይሊነ ዐሊ መ/አድም ወመለሀዩ መናድል መ/ዐሊ ሳልሕ ወገሬ ኮከባይ እት እብል ወአሳሚ እት እለቅዋ ህቶም እግልዬ እግል ለዐሩ እት ሸፍን ወኣነ እገርዬ እት እራፊዕ ምኖም፡ ክምሰል አዜ እግል እትዋጅህ ምስሎም እት እመስል እተ መቅበረተ ፍራስ ሐወዋኩ። ለመቅበረት ትምሳል እንዴ ገብእ እተ እበ ላተአትዐጅብ ዘረበት እንዴ ገብኣት እተ እግል ኖስ ዕፈውኒ ትብል ለህሌት መሰለት

ሐሴን ዐሚድ ሂገ ዐራብ አክል አሕድ ክምሰል ተሸርሐ አርወሐቼ ሌግ እንዴ ኢትገብእ እግሎምመ እቤሉ። በደል ቀብር ፍላጎን እሊ ገብእ ወሌሂ እብል እበ ለእግል ክሎም ሽውሀደ ለተወክል ለእቤለ ለትምሳል እግል ክሎም ለፍራስ ክምሰል ወክል ተዋቀንኩ።

ለከያሎም ሳኪን ክምሰል እተ ሐንቲለ ዕጩይላ ሐዲቀት ዑርፋም ለህለው ትሰወረው እግልዬ። ጀነት ተትባሪዶም ፍራስ ምሔርበት። ለእት ጀላብ ሞዳዮም ፍዘ ገብአው! ላመ እት ጀላብ ወድቀው ሀደፍ ጋኖም እሱኡሎም ቱ ዐለ ሳኪን አናመ እተ ደሚርዬ “ስክቦ ምኑ፡ ከብድክም ትብረድ ከብድ ዐድክም አብረድክም፡ ወጸገምክም ዐለትክም” እቤሎም።

እግለ ሸብሃት እብ ዕንታቼ ምን ረዩም ወቅሩብ ክለልኩዎ፡ እት 26



እቼ።

መንሀድስ ዐንዳት እግል ዝክረት ሽውሀደ ኒዴ እሰልፍ ቤሌነ ወኣነ ወህቱ ወሐሴን እግል ፋቀዲቶህ ፍራስ መዋመጦር ትባጠርኩ። ህቶም እተ ዝክረት እት እንቶም እንዴ ኢለአተሞ ኣነ ሸፈግኩህም፡ ከአስክለ መስከበ ፍራስ አርወሐቼ ዝምትት ምንዬ እት እንተ ሸብዘኩ። ለአሳሚሆም እተልትል ለዐልኮ ፍራስ እብ ከአፎ ገብእ “እሊ ቀብር ፍላጎ፡ ወሌሂ ዐላን” እግል ኢበል እቶም፡ ክሉ ለአቅብር አድሕድ መስለ እቼ። እተ ወክድ ለሀይ ቱ ፈጀአተን እት ደሚርዬ ለአተውረደት እግልዬ ሸዕር ጣህ ሐሴን ዐሚድ (ታክያት) ሉቀት ዐረብ፡ ሕጃብ ዕንታት ለዐለ እት መናህጅ ሱዳን ትትደረስ ለዐለት ሸዕር እት ሰነት 1993 እት ሱሳይ ፈሰል ለደረሰኩው (አ’ጅንዲ አልመጅሁል) ለትብል እት ደሚርዬ አትዋረደት እግልዬ። እሊ አቅብረ ፍራስ እግለ ኣነ አሳሚሆም እተልትል ለዐልኮ ፍራስ ወእግለ ኣነ አሳሚሆም የአመርኮ ውላድ ሴዕ ቆሚየት፡ ክልኤ ደያነት ክምሰል ወክል ትዋቀንኩ። ሸዕር ጣህ

ሰነት ክለ ለሓለት እንዴ ተቀየረት ርኢኩህ። “ወሀ! ጀለ ጅላሉ! ብዘሕቱ እሊ ወዳዩ!” እቤ። ክለ ለእግለ ገንሐኮ ከአትፈክረተኒ። ለምለዐል ክሉ ለእግል አምረ ለኢቀደርኮ ወኣነ ምን ረዩም አተቃብለ ለዐልኮ ለእት እግር ደብር ፋጺ ለአቅመትኩህ ድጋ ሰኒ ዐቢ ቱ። እተ ወክድ ለሀይ ጋድም ዝራዐት ጣፍ ሌግ ቱ ለዐላ፡ ፡ ሐሬ ሕነ ምን ጀሀት ምንሰር አልቃም እንዴ እንዘርኡ ምን ጀሀት ኬን ጃሽ ወያኔ እብ ጀሀቱ አልቃም ሸጉር እቱ ዐለ። እምበለ ዕጩይ ቀላሚጦስ እንዴ ሐበዐየ ምን ጀሀት ሐቲ ትትሐበዐኩ ወምን ካልእ ጀሀት ጀፈር ብናህ ላልትርኤኩ ከኒሰት ተወልዴ መድሀን ሐቲ የዐለ እቱ ለሸብሃት።

“ሌሂ ለእግሉ እርኤ ለህሌት ሐላል ቱ ሚ ረኣይ ዕንቼ ለአትሓሲኒ ህለ?” እት እብል ክምሰል ተሰኣልኮ፡ ፡ ለወድ አምበስተ ገለበ ነፈር “በይ! መዐልም እንተ ኢደሌክ ሌጣ፡ እንተ አምርክ ሰኒ ረዩምቱ መሰለኒ፡ ሌሂ ዐቢ ሕለል ለእተ ጋድም ምንሰር

ደብር ፋጺ ተአቀምቱ ለህሌኩ ድጋ ደንገሎ ልትበህል” ቤሌኒ።

ኣነ እትሊ ለቀደም 26 ሰነት ለዐልኮ እተ ጀብሀት ዛል አንበሰ እት አመሀድን፡ ቴሌፎንዬ ክርን ልክየ አስመዐት፡ ክምሰል አቅመትኩህ እሊ ኢኮን መልሀይ በዲርዬ ወእብ ፍንቱይ እትሊ ሸብሃት ለእቱ አሳር ወዝክርያት ፍራስ ወሓዩት እለ ቃልየት አርደት እትፋቀድ ወእደዴ ለዐልኮ ምስልዬ ለዐላ፡ ሐቶ ወድ ዐመቼ መሐመድ ዐሊ እድሪስ (ጀብጀብ) እት እንቱ ሰበት ጸንሐ ለኢትጸበርኩህ ፈጀአት ገብኣት እቼ። መሐመድ ዐሊ እድሪስ እት ጀብሀት ዛል አንበሰ እብ ጀብጀብ ልተአምረ ለዐለ ምርት ነፈር ምን ሸባባት ለሀይ ወክድ እት እንቱ ርኢኩህ። ሰላም መርሐበ ክምሰል ትብህነ “ዮም እተዋ ህሌክ?” ቤሌኒ። እተ ሰኣል እንዴ ይእበልሱ፡ እብ ሰኣል እት ነሐሩ በልሰኩወ እግሉ። “ከእንተ እተዋ

የአመርኮህ፡ ወለት ፈሰለትነ ለዐለት ገነት ምስሎም ሰበት አስተሸሀደት፡ ወለዘብጠ ዋያረት እት መቀደም ክልኤ ዕንቼ ሰበት ዐለት፡ “አይወ! ገነት ለሓምሰይቶም ራብዓይት ደውረት ክድመት ወጠንተ በዲር ወለት ፈሰለቼ ዐለት” እቤሉ።

እሊ ስድ እሊ ጀብጀብ ክምሰል ነፈር ለአክል አሕድ እብ ረሰሚ አመት መጋይሼ አምር ለዐለ መስለ እቼ።”

እግል መደት እግል እንጅኔር ዐንዳት ገበየ ወሐሴን ኣድም ረኣሼ ሐር እት ዝክሪያት ዕሰረ ወሰስ ሓል እንዴ በልስክምም እት እዳግም እግሎም፡ ለእግል ዐዘመት ማጸአሞም ዐልነ እት እንጅኔር ዐንዴማርያም ሰበት አተሰለው መቶር መኪነትነ ሀረሰነ ወእተ እግል ከብቱ ጋሽ ወጃሽ ዱሉይ ለዐለ ዳስ ከብቱ እት ማይ ጨዐደ (ጸዐደ) ፈገርኩ። ፍግረቼ እት ማይ ጨዐደ እግለ ምን ቅብላት መንጸር ለዐለት ገበይ ወአድብር ዐይገ ወናይ ደንገበ ንትሓርብ እተ ለትመዬነ ወሕሩያም ፍራስ ለትፈንቴነ እቱ ደብር ወሰመሬ (እያሱ ቅስት ዋሰት ለእንቤዕ ደሚር መሰት) ረኣይ ክልኤ ዕንቱ ለሐድገ እቱ ደብር ክምሰል አቅመትኩ ብዘሕ ትሰራብብኩ።

ምርት ምነ ዳስ እግል ሸን ክምሰል ፈግረ “ሰላም” ሐነ ሐቆለ እቤሉ፡ “ሌሂ ምን ቅባል እንርእዩ መልሀይ አድብር ዐይጋቱ መሰለኒ”? እቤሉ። ለነፈር “አቤ! ሰኒ ፋርጉ ይህሌክ ገብእ። ህቱቱ መልሀይ መሰለኒመ ኢቲዴ እተ። ምዶል ገብእ ካይዱ እንተ?” እት ልብል ህቱመ እተ ሰኣልዬ ሐቆ በልሱ፡ እብ ሰኣል አትሐደሰ እቼ።

አናመ ግድም በደል እብ ህቱ ገብእ እብ ሸክ ወወግም አትቃምቱ ለዐልኮ አድብር ዐይገ፡ እብ የቂን ሰበት አሰኣሌኒ፡ እተ ሰኣል እግል እብለሰ ረኣይ ክልኤ ዕንቼ ታመት ቀናዐት እግል ለአብጸሓኒ እብ ፍንቱይ ለእተ ላሊ ምስል ጸልመት እግል ሰልፍ ዶል እብ መኪነት ፋግራም እበ ለዐልነ ገበይ እግለ እት አትቃኢምት፡ “መልሀይ ኣነ ፍግረቼ እት ረኣሰ ሌሂ ደብር ወክድት ተ፡ ዕለት 25/05/2000 ቱ” እቤሉ።

ኣነ ወለ እግል ሸን ፋግር ለዐለ ነፈር እትሊ እት ንትራድድ፡ ለምን ጀፈር እት ጀፈር ምን ጃሽ ወሰነክ ጅዋራት ምሉእ ለዐላ፡ ዳስ ሂር እብ ትልሂየ ልብል ሰበት ዐለ አክራናትነ ለክልኦት እግል አድሕድ ነኣስሚዕ እግል ንወቅሉ ትጀበርኩ።

ለለትፈክር ሸእ አዜመ ሳልሳይት ሕላየት ናይ ወድ ሼክ ዐለት ወህተ ሚ ትብል ዐለት መሰለክም? (እት ጀላብ!) ተ ትብል ለዐለት። እለ ሕላየት እለ እግል ኖሱ፡ እትሊ እቱ ለዐልኮ ሸብሃት ብዘሕ ታእሪክ ወፍንቱይ ዝክሪያት ለብኣ ሕላይት እት እንተ እት ምስሚዕ እዝንዬ ቀዋረት እግልዬ። ፋቀዲቶሃመ እብ ፍንቲት መናሰበት ለትትአመርተ።

መዓርድ አቃሊም መሀረጃን 2026 እብ ብዙሕ ከይራቱ

ሙሰውር ክብርም ጸሐፊ

የም ዓመት ዲብ መሀረጃን ሰነት 2026 ልትቀደም ለአስመን ጽብጥ ብዙሕቱ። ምኑ ዲብ ለሐልፊ ናይ አክትብት መዕረጽ ሚ መሰል ቅዱማም እግልኩም ዐልኩ። የም ህይ ናይ መዓርድ አቃሊም ዐንሰቡ ግብለት በሐር ቀየሕ ወጋሽ-በርከ እግል ንቀድም እግልኩምቲ። ዲብ ትመጽእ ሳምን ህይ ካልኣይ ክፋል አቃሊም ቅብለት በሐር ቀየሕ። ግብለት ወምግብ እንዲ ጸበጥን እግል ንምጽእኩምቲ። ቅራኢት በኪተት።

ፊልሞን አፍወርቂ ምን አቅሊም ዐንሰብ ቲ። እትለ ሰነት እለ ዲብ እለ መሀረጃን እንዲ ጽብጥናሁ ማጸም ለህሌን ውርስ ዓዳት ወጠቢዐት አቅሊም ዐንሰብ እትገብኡ። ዲብ እለ እንቀድሙ ለህሌን አቅሊም ዐንሰብ እበ ለህለ እሉ አርዛቅ እግል ልወክል እንዲ እምቤ ለሐሰብናሁ ክም አወላይ መሓዝ ዐንሰባቲ። እለ ህይ ዝያድ 154 ኪሎ መትር ምግብ አቅሊም ዐንሰብ እንዲ በትክ ክም ልሄርር። እትለ ለህቲ ከይዱ ምድር ህይ ብዙሕ ነሻጣት ናይ ዐማር ልትጋየሱ። ዲብ አዋራፍ ናይለ መሓዝ ብዙሕ ጀራዲን አስክ ዕጩይ ዐባይ ክም ከረ ማንጉሱ። አራንሺ። ዘይቱን ውበዕድ ፈዋኪ ናይ አግመሎት ነሻጣት ገብኡ። እለ መሓዝ እለ ለልሀይቡ ናይ እቅትሳድ። እጅትማዕየት ወእስትቅራር እንዲ ኢተርፍ ዲብ እለ ዕፌ ክም ልትወዳሕ ጋብእ ህሉ። ማን ወገለብ ናይለ መሓዝ ምን ኬን ጀራዲን ዝያድ ለረይሕ ጋምል ምድር ቃባት ብዙሕ ዕጩይ ለመልክ ወመካሪት ምድር ናይለ መሓዝ እግል ቤጽሐት ምን ረይሕ ለህላቲ። ምስል እለ እት ክሉ አቅሊም ለህለ ዕጩይ ለወክልመ እህትማም እንዲ ተህየቦይ ዲብ እለ ሽዑብ ክምስል ልትአመር ምስሉ ወዲብ ሕፍዙቲ ወራዐዮቲ ዶር እግል ለአግዲ ምን ለልብል። ዲብ በደ ገይስ ለህለ ዕጩይ እህትማም እንዲ ተህየቦይ ዲብ እለ ዕፌ ቅዱም ዐለ። እለ ሀደፍ እለ ህይ ዲብ አቅሊም ዐንሰብ ለህለ መራክዝ ሽትል ዲብ ፈራ ለህለ ወዲብ ወክድ ከረም እብ ፊራሮ መዋጥኒን። ደረሰ ወዲሽ እግል ገማል ዲብ ገብእ ናይ ሽትል ፊራሮ እብ ልሽተል ለህለ ዝያድ እግል ወድሐት ቲ።

እት መዕረድ አቅሊም ዐንሰብ ዲብ አቅሊም ለፊራ ጅንስ እክል። እግል ዜድ ለገብእ አዝረአት ወቅርጡዋም ዲብ መዕረድ ምን ቅዱም ለዐላቲ። እምበል እለ እብ ሽክል ሰወር 9 ሱረት ዲብ ምዴርያት አቅሊም ዐንሰብ ለህለ አርዛቅ ጠቢዒ ለልክኡ ዐለ። ክም መሰል ዲብ ምዴርያት ዴለበርዕድ ለህሌት ሱረት ናይ ዳዕሮተት ደቂ ዐንዱተ ቅድምት ለዐለት። እለ ደዕሮተት እለ ዝያድ 500 ነፈር እግል ለአጅተምየ እት ለተአቀድር ዐባይ ዳዕሮተት እትገብእ ምስል መናበረት ወሐያት ናይለ መጅተማዕ ብዙሕ መጽባጥ ለባተ። ለካልኣይት ሱረት ዲብ ምዴርያት

ሐልሐል ቀርጸት ለልትበህል ደዋሐ ገብዘ ለህሌት እብ ጠቢዐት ምን 50 ዕሽል ንህብ ወለዐል ለብዲበ በልቀት ቅድምት ዐለት። አሰረ ዲብ ምዴርያት ገለብ ለህሌት ዲብ ረአስ አድሕድ ለሹቁል እብ ወለት ሀጺይ ለትትአመር በልቀት ለገንሕቲ። እለ ብለቅ እለመ ምስል ሐያት ወግርመት ሌጠ እንዲ ኢገብእ ክም ጠቢዐት ሽዑብ ገለብ ወድዋረ ዲብ ልትዐጀብ እብ ለነበር ክምቲ ለትሸርሕተ። ሰበት እለ ዲብ ብዙሕ ምዴርያት ለህለ አርዛቅ ጠቢዐት ለወዲሕ ሰወር ቶም እንዲ ጽብጠው መጸም ለዐለው።

እብ ሙተፈርጀት ወቤጽሐት ህይ ከብቲ ሰኒ ራክብ ዐለ። እግልሚ ዲብ እለ መሀረጃን እግል ልሻርክ ለመጽእ አቅሊም ዐንሰብ እንዲ ጌሰ እግል ልርኡ ለኢቀድር ገሌ ሱረት



ሻብ ሚሮን በኪት

ዋድሐት ለለርኡ እብ ፍንቲይ መካሪት ወጠቢዐት መሓዝ ዐንሰብ ሚ መሰል እብ ዋድሐት ሱረት ቅዱም ሰበት ዐለ እግል ዝክረት ለመጽእ ቤጽሓይ ዲብ ሱረት መዕረድ እንዲ ገብእ ናይ ዝክረት

ሱረት እብ ሞባይሉ ለነሰእ ብዙሕቲ ለዐለ። እምበል እለ ዲብ ደፍተር ናይ ረአይ ግሩም ቀደምኩም እግልን ዲብ መጽእ ህይ እብ ዝያድ እግል ትምጽኡን እንሰኢ እንዲ ልብል አፍካሩ ወረኣይ ለሀበ ብዙሕቲ ልብል።

ሚሮን በኪት ምን አቅሊም ግብለት በሐር ቀየሕ እብ ሰበት አቅሊም ግብለት በሐር ቀየሕ ቅዱም ለዐለ መዕረድ ተውዲሕ እግል ሽዑብ ዲብ ለህይብ ለጸንሖናቲ። ሚሮን



አሰይደ ሰሚራ እድሪስ

ዐፈር ወትግርኻ ክም ሂገ እሙ ለመልክ ዲብ ውዛረት ተዕሊም ለከድም ሙደርስቲ። እግል ብዝሓም ዲብ መዕረድ ለመጽእ ህይ እብ ለሐዘወ ሂገ ተውዲሕ ለህይብ ዐለ። ከሕናመ እትለ መዕረድ እምጽአሙ ለህሌኩም ሚቲ እት እምብል ክም ሰአልናሁ እብ ሐት ሐቲ ወደሐይ እግልኩ። እግል መሀረጃን 2026 ቅዱማሙ ለዐልነ ዕፌ ክምመ ሰቅራትን አቅሊምን ርዙቅ እብ በሐር ወርዙቅ እብ ምድር ለትብል። ለከልፍየት ናይለ መዕረድ ናይነ እንዲ ኢተርፍ ቀውምየት ዐፈር ወመናበረት ሚ ትመስል ለወደሕቲ። እለ ለወደሕ ህይ ሐያት ለቀዲመት ለሸርሕ ብዙሕ ሰወር ቅዱም ዐለ። ምስሉ ናይ በሐር ነሻጣት ጀለቦት ዓሰ ከአፎ ክም ገብእ ወሚ እንዲ ወደው ቶም ለጀልቦ። እግል መንገደሆም ህይ ዲብ ጀልቦት ሚ እንዲ ወደው ልትሐረት ለወዲሕ ናይ ጀለቦት ወናይ አድሐናት ርሐም ለከሰስ አላት ቅዱም ዐለ። ብዕድ ምን ድራሳት ለገብእ እግሉ ከይራት

በሐር ክም አረኒ በሐር። ወዘፍ ብዕዳም ክልቀት በሐር ዲብ እለ መዕረድ እግል መርአይ እበ ለገብእ ክመ ናይ ንዋይ ምድር ለለርኡ ቅዱም ዐለ። ምስል እለ ዲብ ቀበት በሐር ለህለ ዕንባባታት በሐር አው ህይ ሽዕበል በሐር ለልትበህል እብ ተማሙ ዲብ ቀበት በሐር ለህለ ሐያት ለልትበህል ምንማቲ እግል ተምሳል ናይ እበ ለለርኡ ቅዱማሙ ክም ዐለው ወደሕ።

ክም ሰቅራቶም አቅሊምም ርዙሕ እብ በሐር ወርዙቅ እብ ምድር እግል ወደሐት ህይ ቀውምየት ዐፈር ዲብ ምድር ህይ ሚ ትትነፈሶ ምን ብዙሕ ሐድ እግል ወደሐት። ምን ዐርኮካባይ ለልትረከብ ምን ግንዳይ። ከዕሌ አስክ ፍሬ እንዲ ኢተርፍ ከአፎ ዲብ መንፈዐት ለውዕል ለወደሕቲ። ምስል እለ ቀይሕ ወጸዕደ መዐር ፈርያት ናይለ አቅሊም። ዲብ መናበረት ገብእ ለህለ አልመዶት ሐርስ ለከሰሰመ ለተፈናተ ፈርያት ሐርስ ተመር። ፈዋኪ ወሐመሊት ለመስል ለልክትአምር ቅዱም ዐለ። ክም መስል ወካለት ናይ ምድር ንዋይ ሰገን ሚ ትመስል ቅድምት ዐለት። ምስል ጋብሌ ዲብ ምድር ወሐር ለነበር መ ክም መርአይ ማጸም እብ ዐለው። እለ ጋብሌ እለ ምን ዲብ እዲን ለህለ ጋብሌታት እብ ብዝሐ ዲብ ግንራራብ ናይ በሐር ቀየሕ ኤረትርየ ክም ልትረከብ ውዱሓሙ ህለው። እለ ህይ ናይ በሐርን ለህለ አርዛቅ ጠቢዐት ዝያድ ዲብ እለ ባካት እለ እግል ልህሌ ክም ወደዩ ሸርሐ።

ሰሚራ እድሪስ ዲብ መዕረድ ዕፌ አቅሊም ጋሽ-በርከ ተውዲሕ ተህይብ ለጸንሖናቲ ቲ። ሰሚራ ሚቲ እንዲ ጽብጠው የም ዓመት ዲብ ማህረጃን 2026 እት ሐረት ኤክስፖ ቀዱሙ ለህለው እት ወዲሕ። ጋሽ-በርከ ሲለት ቅዛእ ወጠን እበ ትብል ሰቅራት ቲ እለ መዕረድ ገብእ ለህለ። እለ እግል ወደሐት ህይ ማጽእ ለህለ ከይራት ሰልፍ ለልትረተብ ክም ከልፍየት ናይለ መዕረድ አሳር ቀዲም ዲብ መደት እስትዕማር ዋልያን ለትበን መባኒ አቅርዶት ቲ። ለክም አሳሰ



ሻብ ፊሊሞን አፍወርቂ

ህይ ጋሽ-በርከ ትቤ ምን ገብእ መ ክም መሌለይ ለልትአመር ናይ ዐርኮካባይ ከይራት ቲ። ምን ዐርኮካባይ ሽዑብ ጋሽ-በርከ ኩሉ እግል መናበረቲ ለገብእ ምን ቤት አስክ አላት መናበረት ክም ሸቂ ለለርኡቲ። መሻርፍ። ጀናቢል። ጣግያት። ተትብ ወቅለው። እግል አብያት ህይ ምን ግንዳይ አስክ ከዕሌ ክም ዋናብ ክም ልትነፋሶ እብ ለወደሕቲ። ሰበት እለ ጋሽ-በርከ ትቤ ምንገብእ እምበል ሐዲብ ክሉ ሐያት ቤት ወመምተላካት ቤት ምን ዐርኮካባይ ለልትነፋሶ ገቢል እብ ትትሃጌ ህሌክ ባህለት ክምቲ ወምን ኬን አቅሊምም ለከይራት ዲብ ብዕድ አቃሊም እንዲ ኢተርፍ ክም በጽሕ ትሸርሕ።

ብዕድ ከይራት ዲብ ጋሽ-በርከ ለፊራ እክል ክም መሼለ። ሰምሰም። ጣፍ። ዕፋን ውበዕድ አዝረአት ናይ ዜድ ወቀመም (በሃራት)ወለትፈናተ ዐደግራታት። ምስል እለ ምን ዕጩይ ከደን ለልትረከብ ክም ክሰረ ውበዕድ ፈርያት እምጽአም ዐለው። እምበል እለ ዲብ ጋሽ-በርከ ለፊራ ፈዋኪ ክም በናኑ አራንሺ። ግሬን። ማንጉስ ወሐመሊት ህይ ዐደድ ለትፈናተ ምን በሰል አስክ ጠማጥም ወሐመሊት። ምን ናይ ቃባት ዕጩይ ህይ 10 ዕጩይ እምጽአም ዐለው። እለ ዕጩይ እለ ሚተ ፋኢደቲ ወሚ ለትመሰል መራዐየት እግል ትግባእ እሉ በ ወኣዳም ከአፎ እግል ልጸብጡ ክም ወጅብ ለለርኡቲ። ሰበት እለ ጋሽ-በርከ አርድ ርሐብ ወእብ ማይ ርዙቅ ሰበት ቲ። እለ ዕጩይን እግል ንዋይነ ወእዳምን ከአፎ ነፈዐን እግል ወድሐት ለትቀደማቲ። ምስል እለ ጋሽ-በርከ መስከብ ብጋይት ቲ። እለ ከይራት እለ ህይ ምን ኬን ሐሊብ ወሰገ ዲብ ናይ ብድረ መሀረጃን ክም ሻርክ ክም ህለ ለወደሕቲ። እለ ህይ ለንዋይ ምን ዘበን ቅዱም ለጸንሖ ንዋይ ከአፎ ትረብዩ። ምን አባይ ከአፎ ዳፍዕ እሉ ምኑ ለትበገሰ ዲብ ክል ሰነት ዲብ ወሬሕ ዲሰምበር ለገብእ ጅግረ አሐ ምዴርያት ጎንዩ ለለርኡቲ። እለ እበ ከሰስ ህይ ዲብ ሐልፈት ዋብዐት ጀሪደት ኤረትርየ ሐዳስ ቅዱም ህለ።





ጋራት ፈደራልያይ እት ሰነት መትዐዳይ

ምን ተድለ እት
አስፍህ 1955 – 1956

እት መትሐባር ሻፍግ ለጌልል ጀርቤታት

ፊተውራሪ አስፍህ ወልዴሚካኤል ሰልጠት ክምሰል ጸብጠ እት እንቲ፡ ምሰል ናይ ሕብረት መሳኒቲ እንዴ ገብኡ፡ ኤረትርያ ወክቶብዩ እት ሻፍግት እግል ለሓብር አው መትሐባር ለለአትሻፍግ በክት ለክልቅ ቴለል እት አትጣፍሖት እግል ልትፈረር ወቅት ይኣብደ። እሊ ህይ እታመ መጅልስ ውዘራሁ ለሐረዮም ጅንሰ አንፋር ዋዴሕ ዐለ።

መጅልስ ውዘረ አስፍህ ምን ሰስ ሰክሬታሪ ትከውኑ። ህቶም ህይ ደጀዝማች አርአየ ዋሴ - ሕሰር ክርስ ዐድ፡ ገብሬዮህንሰ ተሰፊማርያም - ጋራት እቅትሳድ፡ ሼክ ፅመር ሐሰኖ - ቃኑን ወፍቲሕ፡ ሸክ ሰዒድ ሰፋፍ - ጋራት እጅትማዕያይ፡ ተሰፊዮህንሰ በርሄ - ማልዮት፡ እተክምሰልሁመ ሼክ መሐመድ ፅመር እብራሂም - ሕሰር አምላክ (መሻቀይታት) ሕክሙት ገብአው። ምን እሎም ለአግደ ሰልጠት ውቅልት ወምህመት ጸብጣም ለዐለው፡ አርአየ ዋሴ ወገብሬዮህንሰ ተሰፊማርያም ምን አግደ ሚርሐት መሕበር ሕብረት ለዐለው እት ገብኡ፡ ሰዒድ ሰፋፍ ህይ ነፈር አልራቢጠ ለዐለ ቲ። ተሰፊዮህንሰ በርሄ ክምሰል ዋልዳዩ ደጀዝማች በርሄ አሰበርም ወሐ አቡሁ ረአሰ ተሰመ እት መሕበር ኤረትርያ እግል እርትርዩን ጽጎፅ ቲ ምንመ ትበህሉ፡ ልቡ ላተ ሚርሓይ ዋቂ (Technocrat) እግል ልግበእ እተ ሰድዩ ጋር ክምሰል ከርዩ ኖሱመ ለቤለዩ ቲ። ሼክ መሕሙድ ፅመር እብራሂም ነፈር ብዙሕ ይእመር . . . ምናተ ምን 1940ታት ምን መአሰሰት ሸባብ አልራቢጠ እት ገብኡ፡ እት ሸቅል ሀንደሰት ለፍፋር ዐለ። ፅመር ሐሰኖ፡ ሐሁ ዐቢ እግል ነፈር በርሐማን ለዐለ ሰዒድ ሐሰኖ እት ገብኡ፡ ቀደም እላመ እት ወራታት እዳረት ሕክሙት እንግሊዝ ወሕኩመት ተድለ ነሽጥ ዐለ።

ገሌ ሳምናታት ሐቀ መትሸያም አስፍህ እት ሺመት፡ ሰክሬታሪ እቅትሳድ ለዐለ ገብሬዮህንሰ ተሰፊማርያም ወነፈር በርሐማን ኤረትርያ ለዐለ መልኣኬ ሰላም ዲሚዋርስ ገብሬማርያም መርሕዉ ዐለው ለትበህለ ገሌ ምን ባባት ደሰቱር ኤረትርያ ለለአትሓይሰ ይማም እት መጅልስ እግል ልትቀደም ትዳለ። ዴማታት ሕክሙት ብሪግንዩ ለራጅዐ ኬትባይ ተሸሰቲ ነጋሽ ክመ ሸርሐዩ፡ ለይማም እሊ ለተሌ ንቀጥ ክምክም ዐለ።

1. አምሐርንዩ ህግዩ ኤረትርያ



አሰይድ እድሪስ መሐመድ አድም
ርኢስ በለማን ኤረትርያ ለዐለ

ረስምየት እግል ትግበእ

2. መንዴረት ኤረትርያ እግል ትትከሬ

3. ዕላመት (Emblem) ኤረትርያ እግል ትተረክ

4. ርኢስ ኤረትርያ ሕክት መጅልስ ለሐርዩ፡ ሀጺይ ኦቶብዩ እግል ልሸይሙ

ርኢስ በርሐማን ኤረትርያ እድሪስ መሐመድ አድም፡ እሊ ይማም እሊ ሐቀ ትከቡት፡ እት በርሐማን እግል ልክረዩእንዴ ኢሸፍግ፡ ላመ ጋር ሐሳስ ሰበት ገብኡ እቲ፡ አሰክ ከታብ በርሐማን ኤረትርያ ፈርገሰ ማክሊሬ ወዴቅባይ ቃኑን (ሙደዒ ዓም) ሕክሙት ኤረትርያ ወድ አሚርክ ፍረድሪክ ራሰል (F.F. Russell) ረአዮም እግል ለሀሀ እቲ ነድአዩ። ዴቅባይ ቃኑን ራሰል፡ ለአወልዶት ሰለሰ ንቅጠት እብ ተእዩድ ናይ ክልኤ ሲሶ ምን አንፋር በርሐማን እግል ልሰለተ ክምሰል ቀድረ፡ ምናተ ለሕርያን ርኢስ ሕክሙት ኤረትርያ ለትክሰስ ራብዐይት ንቅጠት፡ ባብ 16 ናይ ደሰቱር ኤረትርያ ሰበት ትከይድ፡ እግል ትሰኔ ክም ኢትቀድር እብ ክቲብ ሐበረ።

እሊ ፍክር እሊ እት መጅልስ ልግበእ ወምን መጅልስ ወኪን ብዙሕ አትሃገ። እብ ፍንቲት አንፋር አልራቢጠ አልእሰላምዩ አሰክ ሀጺይ ሀይሌሰላሴ ወርኢስ ሕክሙት ኤረትርያ አስፍህ እንዴ ከትበው፡ ደሰቱር ኤረትርያ እግል ልትሐሸም፡ ወትከዩደ ምን ገብኡ ህይ፡ እት መዝመት መጅልስ ቅራን እግል ልሸኸው ክምሰል ቲ አትደገገው። ለጋር ህይ ክመ እሊ አንበተ ይኣተላሉ። እግል ዶሉ ህይ ለአክተመ መሰለ።

ፊተውራሪ አስፍህ ላተ ኢሰክበ ።ኦቶብዩይ ኬትባይ ዘውዴ ረተ እብ ክሰሰለ ቴለል ለተለእንዴ አፍዮሐ ካትብ ሀለ። እግል አግደ ጸበጡ ሸርሐት ህይ ሱረት ዕሙመይት ለሀይብ።

አስፍህ ጀርቤ ሰልፋ ክምሰል ኢተዐወተት፡ እት ወሬሕ ኣፕሪል ሰነት 1956 ይማም ዎርት እንዴ አኣትዳሉ፡ እግል ፍክሩ ለለአይዶ እርትርዩን (አንፋር መጅልስ

ለዐለው እቶም) እት ሀጺይ እግል ለአብጽሕዉ ወተእዩድ ክምሰል ረክበ ህይ፡ በርሐማን ኤረትርያ እግል ለአትሳድቁ ሰተተ። ይማም አፍህ እሊ ለተሌ ክምክም፡

1. ርኢስ ሕክሙት ኤረትርያ እግል ዎርት ውካን (Term – 4 ሰነት) ክስቲናይ ወአሰሩ እሰሌማይ፡ ንጉሰ-ነገስት እግል ልሸይሙ፡

2. ንጉሰ ነገስት እግል ዎርት ውካን ሰልጠት ክስቲናይ ዶል ሸይም፡ በርሐማን ለለሐርዩ ርኢስ በርሐማን እሰሌማይ፡ ወእሰሌማይ ዶል ሸይም ህይ፡ ርኢስ በርሐማን ክስቲናይ እግል ልግበእ፡

3. ርኢስ በርሐማን ክስቲናይ ዶል ገብኡ፡ ናይቡ እሰሌማይ፡ ወእሰሌማይ ዶል ገብኡ፡ ናይቡ ክስቲናይ እግል ልግበእ፡

4. ንጉሰ-ነገስት ለሸይሙ ርኢስ ሕክሙት፡ መስኦልዮቲ ዱቅሪ እት በርሐማን ወንጉሰ-ነገስት ቲ። እት ኤረትርያ ናይ አክሊል (ንጉሰ-ነገስት) እንደራሴ እት ትብል ትገብእ ለህሌት ሺመት እግል ትትረፍ፡

5. እሊ ፍክር እሊ እት ፍዕል ዶል ልተርጀም፡ እግል ክሉ ሸባብ ኤረትርያ ውሕደት ወፍቲ ሕድ፡ ሕሸመት ዲን ወአማነት ሕድ እግል ልክለቅ ቀድር። አሰክ እሊ ለሀህ አግቡይ ሸቅል፡ ርኢስ ሕክሙት ክስቲናይ ወርኢስ በርሐማን እሰሌማይ ለልብል ንዛም ዲሞቅራጥያይ ለልተሌ ኢትን።

ዘውዴ ረተ ክምሰል ለሓክዩ፡ ለይማም እንዴ ጸብጠት እት ሀይሌሰላሴ ለትገይስ ልጅነትመ ኢትነደአት። እንደራሴ ንጉሰ-ነገስት እት ኤረትርያ አንደርጋቸው መሳይ ዕሙማይ ጸበጡ ክም አመረ፡ ሰኔ ሰበት መሰለ እቲ። ኖሱ እንዴ ነስአዩ ኦዲሱአበበ እንዴ ጌሰ እት ሀይሌሰላሴ ቀደመዩ። ሀይሌሰላሴ ህይ፡ ለፍክር ምንመ ፈተዩ፡ ክመ ዐለ አግቡይ ሸቅል ሕክሙቲ፡ ወዘር ድፊዕ ለዐለ ራሰ አበቤ አረጋይ ለመረሐ ልጅነት እንዴ ገንሐቲ ረአየ እግል ተሀብ እቲ ቀረረ።

እት መአንበት እጅትመፅ ናይለ ልጅነት ወዘር ካርጅዮት፡ አክሊሉ እግል ፍክረት ነክረዩ። ገሌ ምን እሉ ሀበ አሰባብ ክእኑ ለተሌ እግል ልትጨመም ቀድር።

ሱረት ወዘር ካርጅዮት ኦቶብዩ አክሊሉ ሀብቲወልድ

1. ፈደራልያይ ንዛም ሕክሙት ኤረትርያ እሊ አዜ ለሀህ ደሰቱር (ናይ ኤረትርያ) አሰክ ለአተላሌ ሀለ፡ ጃንሆይ (ሀጺይ ሀይሌሰላሴ) ቺፍ ኤክስክዩቲቭ እግል ልሸይሞ ኢቀድር።

2. ላዝም ጃንሆይ ልሸይሙ

ሐቀ ትበህለ ህይ፡ ለደሰቱር እግል ልትሓየስ ቡ።

3. ደሰቱር ኤረትርያ እግል ልትሓየስ ገብኡ ምን ገብኡ፡ ምሰል ናይ መዝመት መጅልስ ቅራን አዋጅ ፈደሬሽን (Federal Art) ክምሰል ኢልትካለፍ ናይ ቃኑን ሰብ-መቅደረት እንዴ በሐሰዉ እግል ልትኣከድ ቡ።

4. ርኢስ ሕክሙት በርሐማን ክምሰል ሐረዩ፡ ጃንሆይ ሺመቲ ለአሰብት እግሉ ሌጠ እት ገብኡ፡ እግል ዋጅብ አትምም ምን ኢገብኡ፡ እት ሰልጠቲ ለወሰከ ሴመ ይህሌት።

5. እት ረአሰ እሊ፡ እት ኦቶብዩመ ርኢስ ውዘረእ መጅልስ እንዴ ሐረዩ፡ ጃንሆይ መሰብታይ ሺመት ሌጠ ልግበእ ለትብል መስአለት እግል ትቅነጽ ትቀድር።

6. ርኢስ ሕክሙት ኤረትርያ ጃንሆይ እግል ልሸይሙ ሐቀ ገብኡ፡ ናይ ንጉሰ-ነገስት እንደራሴ ኢለአትሐዜ ለትብል ህይ፡ እግል ፊተውራሪ አስፍህ እሊ ጋር እሊ እግል ደሰቱር ሕክሙት ኤረትርያ ለለሐምርግ ወሺመት ጃንሆይ ክምሰል ኢትተፊሕ ለወዴ ክምሰል ቲ አሰኦሉ ዐልኩ። ለጋር አዜ ምን ሐዲስ ሐቀ ቀንጸ ህይ፡ ህግያይ ኢትሰመዐት በህለት ቲ። . . .

እት ረአሰ እሊ ክሉ፡ ደሰቱር ኤረትርያ እንዴ ኢልትካመህ ሐቀ ጸንሐ፡ እግል ገቢል ናይለምን



ወዘር ካርጅዮት ኢትዮጵያ ለዐለ
አክሊሉ ገብረወልድ

ክትል ዋልዶን እግል ትትባለሕ አርበዕ ሰነት ሌጠ ታርፋተ ለሀለዩ ሶማልያመ እግል ለአትናይት፡ ወክምሰል ሸባብ ኤረትርያ ሕናመ ምሰል ኦቶብዩ ንግበእ እግል ሊበል ክምሰል ለአትናይት አክሊሉ መገተ። ደሰቱር ኤረትርያ እብ ሕሸመቲ እግል ልንበር፡ ጃንሆይ እግል መዝመት መጅልስ ቅራን ለበይአዩ ገለድ እግል ልትሀሸምመ ዋጅብ እቲ ክምሰል ቲመ አትፋቅድ።

እብ አሳሰ ሐብሬ ዘውዴ ረተ ለጋር ብዙሕ ይኣትከሐደ። እሊ ህይ እብ ሰበብ ፍድብ መገት እክሊሉ ሌጠ እንዴ ኢገብኡ፡ እንደራሴ አንደርጋቸው መሳይመ እት እጅትመፅ ቅብላት ለፍክረት ሰበት

በጥረ ቲ። በዲር ፍክረት ርኢስ ሕክሙት ኤረትርያ አሰፍህ እት ለሀማት ሀይሌሰላሴ ለአብጽሐ እብ ሰብብ፡ ጸበጡ እብ ዋጅብ ሰበት ኢፈሀመ ቲ እንድ-ኢትን፡ ለእት ኤረትርያ ናይ ሺመት (ንጉሰ-ነገስት) እንደራሴ እት ትብል “ሸዮምት እግል ልብጠር፡” ለትብል ዋናበት፡ ምን ሺመቲ ወመስክቡ እግል ተኣንዕሱ ለብግስት፡ ወኣኢዋፈቀ እተ። አክሊሉ ክምሰል ደግመዩ ደንገጸ ወቀሀረ። ዘውዴ ረተ ክመ ቤለዩ፡ “Oh Mom Dieu, Protege Moi De me Amis!” “ዎ ሞላይ ምን ፈተቺ (አስፍህ) አንግፈኒ!” እንዴ ቤለ፡ እግል አክሊሉ እብ ህግዩ ፈረንሰ ሐቀ ሐሸክሸክ ቲ፡ ድድ ናይለ ፍክረት ለተሃገ።

መቃወመት አክሊሉ፡ ራሰ አበቤ አረጋይ ክምሰል ተለዩ፡ እት ሀይሌሰላሴ ትቀደመት። ህቲ ህይ ረአይ ናይለ ልጅነት ኢረይሐዩ። “እክሊሉ ዶል ናይ ሶማል ወዶል ናይ ብዕድ መስምስ ዲብ ከውን መስአለት ፈደሬሽን ክምሰል ኢትትካመህ ወትትሐባለክ ወደዩ” ሐቅለ ቤለ፡

“ሕናመ ለእሉ እንሸይም ሓክም ኤረትርያ፡ አብቀልክ ወአብዴክ ለእንብሉ ኖሰን እንድ-ኢትን፡ በርሐማን መጦርን እንዴ ገብኡ እግል ለሓሰቡ ኢነአጅኩ።”

እብል ዶል ትርእዩ ህግዩ አክሊሉ ገበዩ ህሌት። አንደርጋቸው ህይ ለበርሐማን (አንፋር መጅልስ ኤረትርያ) ለጋር ዶል ቀደመዉ እቲ፡ እትን እንዴ ኢበዴሕ እግል ልፈትሹ ዐለት እግሉ። እትለ እግል መትሳዳቅ ሐቀ መጽኡ፡ ረአይ አክሊሉ እት ለአትሳውር እግል ልትርኤ ዋጅቡ ኢትን።

. . . እትለ ሳኪን አሰፍህ ምን አምዕል እት አምዕል መትረባሹ ወተዐቡ ምን ነሳሐት ክምሰል ቲ እግል ልትአመር እግሉ ቡ። . . . አዜ እሊ አበቤ አረጋይ እንዴ ሐፍዝ ለቀደመዩ ፍክር ልተግበር።21

እሊ አሰፍህ እንዴ ሰጅዐ አንደርጋቸው ለአትዐገበ ወፍንጌህም ንዩይ እኩይ ለክልቀ ከሊማት ሀጺይ፡ ለፈደራልያይ ሕቁቅ ኤረትርያ እግል ልቅተል ለትገመ ስታት አሰፍህ፡ አክሊሉ እግል ካልእ ዶሉ ለአፈሸሉ ክምሰል ዐለ እግል ልትፈቀድ ወጅቡ። ለናይ ሰልፍ ርኢስ ሕክሙት ተድለ ባይሩ፡ “ሸባብ መረብ-ምላሽ እንዴ ረአ ወአንተብህ ሕክት መትሐባር እብ ፈደሬሽን፡ መትሐባር ሻምል ለሐይሰኒ እንዴ ቤለ ለለሐሬ እተ አምዕል ፈርሆቹ እግል ቲዚድ ቲ” ለቤለ እቲ ናይ ዮም 11 ሰብተምበር ወዐዙ ወህቲ ለቀቀሰዩ መግህፍ ወሀይመት ሰብ-ሰልተት ኦቶብዩ እግል ዐሚም ቲ።

ዴማት ክታብ ምን ፈደሬሽን አሰክ ዐሚም ወሰውረት


አጽረዮት መ ሰደ ኢትሕለፍ

ዲማት ማይ አቅሊም ምግብ ምን ከዛናት ለልትጫራቱ። ለእብ ሶጣት ወጡምባት ለልትወዘዕ ማይ እግል ሲቶ ለንትነፈዕ እቡ ልግበእ ወእት መዓል ብዕድ ለነአውዕሉ እብለ ትፈናተ ሄራር እንዴ ሐልፈ. ምን ለጉብአ ሕማም ለለመጽእ ጀራሲም እንዴ ለጽሐ ወትወረዓቱ እት መትነፈዕት ለበጹሕ።

አትጫራይ ወወርዖት ማይ ከአፎ ክም መሰል፡ በቃዕት ማይ ሲቶ እብ ከአፎ ደማን እግል ትርኩብ ክም ልትሸቄ እት ወጠንያይ መሀረጃን 2026 ዲብ ቂሾት መዕረድ አቅሊም ምግብ እግል መትፈርጀት ቅዱም ዐለ። ዎሮ ምን ዲቡ ሸሩሕ ለዐለው እንጂኔር ታደሴ በርሄ መሰሉል መራቀቡት በቃዕት ማይ ምን ናይ መትፈርጀት ወቅት እንዴ ከፍለ እነ እት ፍንጌ ሸቅሉ መብርሂ እግል ለሀበነ በክት ረኩብነ። እብ አሳሰለ ህቱ ሀቤናተ ሐብሬ ለአግደ ሸቅል ናይለ ሀይኦት እት ሸዑብ ለበጹሕ ማይ በቃዕት ጸሮቱ እግል ትትአከድ እተ መራክዝ አትጫራይ ማይ ለሀለ አሽቃል ወለልትወዘዕ ማይ ራቀቡት ቱ።

ዲብ አሰመረ እግለ መዲነት ወደዋሐሀ ለለአሰቱ ሰለሰ ዲማት ማይ (ከዛናት) ሀለ። ማይ ነፍሐ፡ ባሊኸኪ ወቶከር። ምን ከዛን/ዲገ አሰክ እት ክል ቤት ለአቱ ደረጀት ጸሮቱ ራቀቡት ሸቅል ናይለ ሀይኦት ቱ። ሰልፍ ለአልበዕት ወብዕድ ቀጨጭ ከባደት እንዴ ወደ ተሐት ዘፍ እግል ሊበል እግል ልሩግ ሸብ ገብእ እቱ ለማይ ምን ቀጨጭ ክም ትነጠፈ ለማይ ለጭሩይ ሕርክራክ ለአለቡ ክሎሪን ጋዝ ለልትበሀል ምን ጀራሲም ለለአለጽሐ መዋድ ገብእ ዲቡ። ገድም ማይ ጸረ ወትወረዕ ክም ትበሀለ እብ ሐዲስ ዲብ ላቦራቶሪ ልትረኡ። ለጉብአ ዓፍየት አዳም ወንዋይ ለደርር ጀራሲም (ፓቶጆኒክ ባክቴርያ) እግል ኢለሀሌ እቱ ተፍቲሽ ሕያያም ገብእ እቱ። ለክሎሪን እግለ ማይ አልጸሐዩ/ወረዐዩ መኢኮን ጀላብ እግል ልትደሌ።

እብለ ገበይ አትጫራይ ለሄረረ ማይ ሰለሰ አርበዕ ወሬሕመ ምን እንክዝኩ ተብዕን አው ብዕድ እት ማይ ለልትወለድ ባልዲን ኢወዴ። ምን አመረ እብ መዋሲር እት መጸአነ ገሌ እት ገበይለ ዐንድር ለጸንሐ ሕርክራክ እግል ልትሓበሮ ቀድር ገብእ፡ እሊ ላኪን እተ መዕለዩ ክም አተ እት ሰር ሰዐት ረውግ፡ እግልሚ ካፊ ቅያስ ሸብ ጋብእ ዲቡቱ ወምን ለጉብአ ጀራሲም ላጽሕቱ። እሊ ሕርክራክ እሊ መደረት ለብእቱ ኢኮን፡ እተ



ኢንጅነር ታደሴ በርሄ

አሰፊዮት ገሌ ለነቅሰ ምንእነ መትሻቀዩ ምን ሀላቱ ወእሊመ እት ወቅት ቅሩብ እግል ልትመም እናቱ፡ ክምሰልሁመ ለዐንድር ማይ እንዴ ኢለሐልፉ ገሌ እያም ሰበት ጸኔሕ እግል ልግበእ ቀድር። ደአም ነበሽ ለብእቱ ኢኮን። ለክሎሪን እግለ እት ማይ ለጸኔሕ ባክቴርያታት ወብዕድ ጀራሲም አሰክለ አንቀዋቅሐመ ለቀትል ቱ።

እትሊ እንዴ ትጫረ ወለጽሐ ካፊ ክሎሪን እንዴ ገብእ እቱ ለመጽእ ማይ ‘አለጽሐ ሀሊኮ’ እንዴ ትቤ ክሎሪን እንዴ ወሰአክ ሰትየቱ፡ ነፍሰ ለኢለአትሐዜ ጸር ትወሰክ እተ ሀሌክ ድኢኮን ጸሮት ወዓፍየት ለለሀይበ ኢኮን። እት ረአሰ ክሎሪን ክሎሪን ወሰኮት ክምለ እት ረአሰለ ጩ ያፊ ለብእተ ነብረ ጩ ወሰኮት ቱ። እለ ወዴክ ምንገብእ ጠምጠመ ለአከርብ ወእግል ዓፍየት ለአዜ፡ ወሰኮት ክሎሪንመ ክምሰልሀ እግል ንርአየ ብነ። ለማይ ጠምጠመ፡ ጸናሁ ወደሐኩመ ኢሰኔ። ክሱሰን ሐሳሰየት ለብእቱ ነፈር እግል ልሰርሰሩ ወልእበዩ ቀድር።

እትለ እንዴ ትጫረ እብ ቡምባት ለመጸአነ ናይ ክል ምዕል ማይ ሲቶነ ክሎሪን ወሰኮት ምስል ወቅት እግል እት ከርሸትነ ለሀለ ኔፍዓይ ባክቴርያ እግል ልቅተሉ ቀድር። እሊ ሀይ ነብራን እብ ዋጅብ እንዴ ሐቀት እት ገሮብነ እግል ኢትሰፊ ለልዐናቅፍ እግል ልግበእ ቀድር።

እብ ማሱረት ለመጸአነ ማይ

ምን አካኑ ለትጫራመ ምንገብእ ለእቱ እንመልእ አግርበት ሰኒ ነድፍ ሐቆ ኢገብእ እብ ክሰሐ ማይ ምን መጽእ ሕማማት እግል ንድሐን ይእንቀድር። ከለዲቡ እንበልሱ፡ ለእቡ እንጀቅፍ ወለእቡ እንሰቱ አግርበት እብ ነዳፊት እግል ልትጸበጥ ብእቱ።

ምን አመረ ለእብ ዐንድር መጸአነ ማይ እት ገበይ ገሌ ምክፋት ለቡ ዐንድር ሀለ ምንገብእ አውመ ለዐንድር እንዴ በለ ዕንድር ርስሐት ፊሻይት ወዕንድር ማይ እት ሕድ ለልክዑ እቱ ወክድ ሳደፊ ምንገብእ መትነፈዓይ እብ ሕብሩ ወጸናሁ እግል ልፈርጉ ሰበት ቀድር አጊድ አጊዳይ እግል ለከሰሰ ጀሀት ተውዚዕ ማይ እግል ለሐብር ክምቡ ኢንጅነር ታደሴ በርሄ ለሐብር። ክእነ መሰል ቴለል ዶል ሳድፍ ለመንካሰ እንዴ ትፈረገት ዕንድር ብኩእ ምን ሀለ እብለ ትቀደረ አጊድ ክም ሰኔ ገብእ፡ አሰክ ሰኔ ሀይ ለእቡ ልትወዘዕ ዐለ ማይ አዳም እግል ኢልሓምም ክም በጥር ገብእ።

እት ደንጎበ እንጅኔር ታደሴ፡ ለእብ ማሱራት መጽእ ማይ ሕምሩግ ለመሰል ምን ባክቴርያ ወብዕድ ባልዕ ላጽሕ ሰበት ገብእ ሸብ ልግበእ ወክሎሪን እግል ልወሰክ እቱ ክም ኢለአትሐዝዩ ሐቆለ አፍሀመ፡ ሸዑብ እብ ማሱራት ለመጽአዩ ማይ ጸናሁ ልግበእ ወሕብሩ ልቡ ለኢከረዩ ዶል ገብእ ምን ሂበት ሐብሬ እግል ኢልእዘም አትፋቀደ።

ሐሊብ እም - ሐይሶ ለአለቡ ደማን ዓፍየት ጅናቱ

ዝያድ ክልኤ ሰነት ነኣተላልዩ

(እድንያይት ሳምን ሐሊብ እም ምን 01አሰክ 07 አጎሰት)

ሐሊብ እም እብ ጠቢዐት (ክልቀት) እግል ጅነ ለአዳሌቱ፡ ፓመት ለአለቡ እብ ክሉ ፈ'ኑ ታምም ጽበጥ መነት ለብእቱ፡ ጅነ ዐቅሉ ወገርቡ እግል ልዳብር ወክሉ ዕምሩ ደማን እግል ልርኩብ ለትመነሐ ህያብ ዐጁብ ቱ።



ሐሊብ እም፡ ምን በረ ለትወሰክ ሰዳየት ለኢተአትሐዝዮ ምን ጠቢዐቱ ዱሉይ፡ ደማነቱ ሕፍዝት፡ ጅነ

አሰክ ክልኤ ሰነት ለአደውር አትሐዝዮቱ ለኢትነቅሰ ህያብ ቱ። ምን ለትፈናተ ሕማም፡ መእረር ወረክሰ እት ልሕጅብ፡ ዐቦት ሐንገል (ሐገን) ወገርብ እት ትትሐዜ ደረጀት እግል ልብጸሕ ዐብዩ ለአለቡ ሐዞት ለአገዳ። እትረአሰ እሊመ ሐሊብ እም ፍንጌ እም ወውላደ ፈተ ወቅርብ ክልቅ። ሐቆ ውልደት ርሕም አጊዳይ እተ ንቡር ሸክሉ እግል ለአቅብል ሰዴ። ብቅት ሰረጣን(መንሱራታት) አጥባይ፡ መሕፋዳት ቤጭ ውብዕድ አጅናሰ ሰረጣን እግል ተሐድ ዶር ዐቢ ወዴ። እብለ ሀይ ዲብ ደማን ዓፍየት እማትመ ሐዞቱ ዐባይ ቱ።

ሐሊብ እም እት ታመት ዐቦት ጅነ ለትትሰኤ ፍገሪት እግል ትረኩብ ምነ፡ እተ ቀዳምያም ሰሰ ወሬሕ ዕምር ጅነ፡ እምበል ሐበት ወሱክ ነብረ ማይመ ልግበእ እንዴ ኢልትሀዩብ ሐሊብ እሙ ሌጠ እግል ልትመወን ሀሌት እሌ። ሐቆ ሰሰ ወሬሕ ላኪን ምስል ዕምሩ ለገይሰ ለትመዘዝ ጽበጥ ለብእተ ነብረ እግል ልርኩብ ወጅብ። ምስለ ወሱክ ነብረ ሀይ ሐሊብ እሙ አሰክ ክልኤ ሰነት ለአደውር ወዝያዳሁ እግል ልጥቤ ሀሌት እሌ።

ከሐሊብ እም መንፈዐቱ ወአሀምየቱ አክል እሊ ዐባይ ሐቆ ገብአት፡ እበ ተአሰትሀል እት መዓል እግል ልውዐል ለመሰሉልየት ዲብ እም ሌጠ ለትትሐደድ ኢኮን። ክሎም አንፋር ዓይላት፡ አብ ወኡብዕብ፡ እም ወአቦት፡ ሐው ወሐዋት፡ አቃርብ ወአግዋር፡ ማርሐት ደያናት ወሰብ ምህነት ዓፍየት እት አፍይሐት ዕልም ወአትናያት ጥባይ ናዮምተ እግል ሊደው ብእቶም። እት መዐዩ ለሀለዩ እማትመመ እብ ክሱሰ ጥባይ ወመንፈዐቱ ምስል እንዴ አመሕበረዩ ለለሀድገ እቱ ወምንሕድ ተጃርብ ለነሰአ እቡ ቴለል እግል ልጠውረ ለአትሐዝዮን። እማት-ጥባይ እት ክሉ ናይ ሸቅል አካናተን አጀኒተን እግል ለአጥብዩ ለቀድረ እበ አርድየት እግል ትዋፈሕ እለን ቀድረት ምንገብእ፡ ክሉ ሕድ እንዴ ሰደ ለነሐዝዩ ሀሌነ ፋእደት ጥባይ እግል ንርከበ እንቀድር።

አሰክ ክልኤ ሰነት ወዝያዳሁ ሐሊብ እምም እት ጠቡ ለዕበው አጀንኒት ዓፍየቶም ታመት ሰበት ትገብእ ሰልፍ ክሉ ለረበሐ ዓይላቶም፡ ክምሰልሁመ መጅተመዕ ወወጠን ልትየቡቶ። እብሊቱ ለመሰሉልየት ናይ ክሉ ጀሃት መጅተመዕ እግል ትግበእ ለብእት።

ውዛረት ዓፍየት እትለ ጋሪት እለ ዶር ሚርሓይ ራፍዐት ምንገብአት ጅነ ምን ልትሐነን እተ አሰክ ልትወለድ እሙ ክል ወሬሕ ከሸፍ ወመራዐየት ዲብ ትወዴ፡ ክለን ዐመሲ እብ ክሱሰ መንፈዕት ጥባይ ፈሀም ካፊ እግል ለሀሌ እለን ዲብ መአሰሳት ዓፍየት ዕልም ወመሓደራት ክም ልትሀዩብ ትወዴ። ክምሰልሁመ እብ ገበይ ዲማት አክባርነ ልግበእ ውብዕድ አብሳር፡ ዓይላት፡ መጅተመዕ እብ ዓመት ወመሓብር ገቢል አትፋዘዕ ባቂዕ እት ትወዴ እብ ጅድየት ምን ትሸቄ ዲቡ ናይ ክል ምዕል ወራታ ቱ። እግልሚ ምን ልትበሀል፡ እብ ሕሰር ወሕፋዝ ለለዐቤ አጀኒት ደማን አተላላይ አጅያል ወሕጌ ወጠን ምንገብአት።

ውዛረት ዓፍየት



ሰዐር-አልፋ - አልፋ፡ ሕሩይ ዐለፍ አክደር-እግል ንዋይ (1ይ ክፋል)

አልፋ-አልፋ፡ ምን ለሐሰ ዐለፍ አክደር ናይ ንዋይ ቱ። እሊ ብቀል እሊ፡ እብ አሳሰለ ሀለ እቱ ውቁል ጽበጥ ቅዘእ ወሐዘቱ ዲብ እተይ ሐሊብ “መልክ ዐለፍ” (Queen of Forages) ልቡሉ። ሐረሰቶት እብ ዋጅብ እንዴ ዘርአዉ ራዐዉ ምን ገብእ፡ እተይ ሐሊብ ለልክበርክት ወሐ ሲጋመ ለረሸድ ቱ። እብ ክሰብ አልፋ-አልፋ፡ ሐረሰቶት ምን እግል ለአሙሩ ለወጅቦም አሳሰቦይ ሓጃት እሊ ተሌ ካትባም እኩም ሀሊኩ ቅራኣት በኪተት።

ለእምር ሰሚቱ-ሉሰርኹ

አግደ ጠባይዕ አልፋ-አልፋ

እሊ ብዝሓም ሐረሰቶት ዐድነ ‘ብርሲም’ አው ኤርባ’ ለሰምዉ ብቀል፡ እብ መሰኖ ገምለ ምን ገብእ፡ ዕምር ረይም ለቡ ወዐለፍ ብርኩት ለልሀይብ ቱ። እብ ትሉሉይ ዲብ ተዐጭድ ምን፡ ክም ዐለፍ አክደር እግል ተኣብልዑ ወእንዴ ከዘንካሁ እግል ተኣይብሱ ትቀድር። ብዕድ ወጅብ አልፋ-አልፋ ሀይ፡ እት ለትፈናተ አካናት ውሓለት ጀው ለልትዘረእ ምን ገእ ቱ።

ለልኣትናይት ተዋልል

አልፋ-አልፋ ስኒ እግል ልውሽዕ ሐቆመ ገእ፡ ለእተ ልትዘረእ አርደት ሽሙይ እግል ትትመዳመድ ወትዳሌ ቡ። ስኒ ለትሸዐገት ወታክመት ገርሀት፡ አልፋ-አልፋ ስኒ ተሀይብ፡ አልፋ-አልፋ እንዴ ኢትዘርእ ላኪን፡ ብዕድ አሰዕር ሀረም ጀላብ እግል ኢልዕመሙ፡ ግልገል ስኒ ለኣትሐይኩ፡ እት ምድር ጥሉል ትዘርእ፡ ማይ እብ ዋጅብ ተኣሰቱ፡ ወክም ዐንበብ ሀይ፡ እንዴ ኢትአበዘሐ ወኢትአውሐድ ማይ ተኣሰትዩ። ክእነ ወዳነ ምን ገብእ፡

ትዘረእ አው ክም ትሸተሉ፡ አሰክ ሰቦ ዶል እት ተዐጭዱ ዐለፍ ወጃብ እግል ለሀብ ቀድር።

አዳላይ ምድር ወሽፍሩ

ስኒ ለትሸዐገት ወለትሳዌት ገርሀት፡ እተይ ስኒ ተሀይብ፡ እት ሕበር ከላት ወሐጸ ለጅንሱ ምድር ለበቅል አልፈ-አልፋ፡ ማይ እግል ኢልሰኣን ራቀቦት ስኒ ለሐይኩ፡ መዓድን ሐደ ዲቡ ምን ገብእ፡ ለብቀል ሰበት ቀጥን ናይትሮጅን እግል ልሽቁ ቅድረት ለሐግል ወዐቡ ትትዐንቀፍ። ሰበት እሊ፡ ለትርቡቱ እግል ትትረሽድ ሽፍር ጠቢዐት ትነፈዕ። ቀደም ዝርኣትኩ፡ ገልግል፡ አሰዕር ወራኬ ወማይ ካፊ እብ መሰኖ አሰትዩ።

ሒን ወቅያሰ ዘርእ ከአፎ ተሐድዳ፤

እት ኤረትርየ አልፋ-አልፋ ሰነት እብ ግዲደ እግል ልትዘረእ ቀድር። ላኪን፡ ምን ሰብተምበር አሰክ ኣክቶበር ለሐሰ ወክድ ዘርእ ሰበት ቱ፡ ዲቡ ትዘርእ ወኣተይ ስኒ ትረክብ፡ አልፈ



አትራያም ለኣትሐይ።

ገበይ ዝርኣት አልፋአልፋ

ገበይ ዘርእ እሊአልፋ እብ ንሸሐት አውመ ጅንሰለ መሰኖ እት ሕሳብ እንዴ ኣተ እብ ሴር ለልትዘረእ እት ገብእ፡ እት ፍንጌ ሴር ወሴር ምን 25 አሰክ 50 ሰንቲምትር እንዴ አትራያምክ ልትዘረእ።

ገበይ ኣትግዝሖት ዘርእ

እት ፍንጌ ሴር ወኣልእ ምን 70 አሰክ 100 ሰንቲምትር፡ እት ፍንጌ ሽትለት ወሽትለት ለትትሐደግ መሳፈት ሀይ፡ 20 ሰንቲምትር ገኣት ምን ገብእ እተይ ስኒ እንረክብ፡ እምበል እሊመ አልፋአልፋ ብቅለት ክም አንበቱ፡ እት ክል 20 ሰንቲምትር፡ 10 ትሩዳት አሸትል ሌጠ ክም በቅለ ትወዳ።

ሀረምት

ሀረም፡ እግል ቅዘእ ወጽበጥ ማይ ምድር እንዴ ጨመ፡ እግል ነሐዝየ ብቀለት ሰበት ለኣይ፡ አልፋአልፋመ፡ ስኒ እግል ልውሽዕ ገእ ምን ገብእ፡ ልሰዕ ነኣይሽ ዲብ

ሀለ እግል ተሀርሙ ብኩ።

አግቡይ ጽብጠት አልፋአልፋ ዲብ መሰኖ

አቅሩድ ናይለ ነኣይሽ አልፋአልፋ፡ እት ምድር ጥሉል እግል ልዕቤ ቡ። ማይ ሐደ ምን ገብእ፡ ዐቦት ብቅል አልፋአልፋ እንዴ ዐንቀፈ እተዩ ለአውሕድ። ሰበት እሊ፡ እግል ዐለፍ አክደር ልግበእ ወእግል ዘርእ ለትአበቅሉ ዕንጌሽ፡ አሰክ ለዐንብብ፡ ማይ እብ መሰኖ እግል ልሰቱ ቡ። ሐቆ ዐንበብ ላኪን፡ ለእግል ዘርእ እንዘርኡ አልፈ-አልፈ ማይ እብ ቅያሰ ሐድ ነኣሰትዩ። ትርቡት ሽሙይ እግል ትትረሽድ፡ መትደገር ሽትል አልፈአልፈ ምን 0.5 አሰክ ሐቱ ሰንትምትር እግል ልሕለፍ ወልቀሬ አለቡ።

ልተላሌ

ዴማት፡ እብ ቂድረት መጃል ምድር ሰዐር፡ መንግስቱ ሩኣሶም አርኣየ ወቐዲ ካዮሊ ለትዳለ ሕሩይ አዝረኣት ምድር መሸፈል ለልብል ክታብ ውዛረት ሐርስ

ሓክ እብ ጥሉሉ ሽዌት ዲብ ሀለ፡ አልፈ-አልፈ ኣብለዐካህ ምን ገብእ፡ ሐሊባመ ክም ቀዝር ኣኪድ ቱ!



አልፋ-አልፋ፡ እብ ሰዳይት መሰኖ እት ለትፈናተ አምዳር ኤረትርየ እግል ተኣብቅሉ ትቀድር። እተዩ ብርኩት ወክል-ዶል እት ልትዐጨድ ንዋይክ ለትአበልዑ አውመ እንዴ አይበስክ ለትዐልፋ ጅንሰ ሰዐር ቱ። አልፋ-አልፍ እብ ሪም አቅሩዱ ለልትአመር እት ገብእ፡ ምን 4-6 ሰነት እግል ንትነፈዕ ምን እንቀድር። ምን ብዕድ አሰዕር ለትፈንትዩ ጋሪት ሀይ፡ እት ትርቡት መልሐትመ ሰበት በቅል ቱ።

ከህላት ጀሐር

አልፋ-አልፋ ለረይም አቅሩዱ፡ ምን ብዕድ አጅናሰ ሰዐር ለሐሰ ከህላት የባሰ ክም ለሀሌ እሉ ወዳ። እት መደት ጀሐር ኬልም፡ ቀጠፋ ክፍኩፍ እንዴ ጸንሐ፡ ጠላለት ዶል ረክብ እብ ሐዲሰ እግል ልውሽዕ ለኣነብት። ስርግል እዳረት አልፋ-አልፋ

ዐለፍ አልፋ-አልፋ ብርኩት እግል ንጨንጌዕ እንቀድር።

መዳለት መሰኖ ቀደም ዘርእ

አልፋ-አልፋ እንዴ ዶኤዝርእ፡ ለአዳሌናህ ገርሀት ማይ ካፊ እብ መሰኖ ነኣሰትዩ። ሰበቡ፡ እሰልፍ ለኣሰቱካሃቱ ማይ፡ አቅሩድለ አልፋ-አልፋ ስኒ እግል ልብቀል ለሰዳ ሰበት ቱ። አልፋ አልፋ እት ለገብእ ሒን እግል ልትዘረእ ምንመ ቀድር፡ እት ኤረትርየ ምን ሰብተምበር አሰክ ኣክቶበር እተ ሀለ ወክድ ምን ትዘርኡ ለሐይሰ። እት ሄክታር ለትገብእ ገርሀት፡ ምን 10-15 ኪ.ግራም ዘርእ ለኣትሐይኩ፡ እግል ዘርእ ለሀደፋ ገእ ምን ገብእ ላኪን፡ ምን 6-8 ኪሎ ዘርእ ካፊ ቱ። እብ ሴር እንዴ ትዘረእ እት ፍንጌለ ብቅል መሳፋት ሐደግክ ምን ገብእ ሀይ፡ ለትወቀለ እተይ ለሀይብ። አልፋ-አልፋ እንዴ አሸፈቅክ እግል ትዘርኡ አለብኩ። ሐቱ ኢነት ክም

አልፋ ምን ዘርእ አሰክ ዐጨድ ለሀሌት ዐቡ፡ ምን 90 አሰክ 120 ምዕል (ምን 3-4 ወሬሕ) ትገብእ። መሰለን እግል ዘርእ ለገብእ አልፋ-አልፋ ምን ሰብተምበር አሰክ ኣክቶበር እንዴ ትዘረእ፡ እት አውረሐት ማርስ ወኣብሪል ሀይ እተይ ለሀይብ።

ቅያሰ ዘርእ

እግል ዐለፍ ለትዘርኡ አልፋአልፋ መብዝሐ ወክድ፡ እት ሄክታር ምን 10-15 ኪሎግራም ትዘርእ ምን። እት ስኒ ለትሸፈረት ገርሀት ርሽድት አውመ ዲበ ዘርእ እግል ለኣብቅል ለኢቀድር ምድር ላኪን ለቅያሰ ምን እሊ ወለዐል እግል ሊዚድ ቡ። እግል ዘርእ ለገብእ አልፈአልፈ ሐቆ ሐይከ ሀይ ምን 6-8 ኪሎ እት ሄክታር እግል ንዝረእ ወጅብ። እት ፍንጌ ክል ሽትለት ናይ 20 ሰንቲምትር

ለዘቱ ፍሬ-ከድም

አግቡይ አዳላይ ሐሪጭ በናና

እሰልፍ በናና ጥራይ፡ እት ግራብ ነዲፍ ሀይ ማይ ነኣዳሌ። ሐቆሁ፡ ለበናና ጥራይ ሽሙይ እብ ማይ ነዲፍ ነሐጽቡ። እብ ሽልቱት ነዲፍ ሀይ ለማይ ነኣዘፍፍ ምን። ክም ዘፈ፡ እንቀርፉ፡ አጊድ እግል ልይበሰ ሀይ፡ እብ ጀርደት እንዴ አርቀቅን እንክትፉ። ቀጢን ሽራዬሕ ናይለ በናና እት



ጸሓይ እንመድዱ። ሽሙይ ክም የብሱ፡ እት ሞግእ አው ጣሑነት ልትጠሐን። አሰክ ሰሰ ወሬሕ ሀይ እግል ልትከዘን ቀድር። እግል ለትፈናተ ነበሪት ሀይ ንትነፈዕ ምን።

እብ ውዛረት ሐርስ ለልዳሌ ዓሙድ ቅዘእ ለበ መነት፡ እግል ክሉ ወእት ክሉ!

ዶ/ር ዑመር ዑስማን

መወሸደኔ፡ ሄራር 35 ሰዓታት

ርእሰ መሕበር ወጠን ሸባብ ወደረሰ እርትርዩ መለሀይ ሳሌሕ አሕመዲን እብ መናሰበት 35 ሰነት ዒድ ሕርየት፡ ሄራር መወሸደኔ 35 ሰዓታት ለከሰሰ መቃብለት ዋዲ ዐለ። ከጭመም ናየ፡ እት ክልኤ ክፋል እንዴ አትሌን እንቀድም እክም። እትለ ሐልፈት ሳምን አወላይ ክፋል ቅዱማም ዐልክ፡ እግል የም ካልኣይ ወናይ ደንገበ ክፋል ልተላሌ የም፡-

መሕበር ፈዛዐት ሲያሰት ወመሻረከት ሻብብ እግል ወሰኩት ከድም ጸንሐ ወሀለ። ለትፈናተው ዐባዩ ሰሚናራት ወድራሳት፡ ናይ እዕላም ወዓዳት በርናምጃት፡ ንቃሽ ወመክሐደ፡ ዕፌ አፍላም፡ በርናምጅ ውርስ ውብዕድ፤ እሊ መባጸሕ እግል አግደዮት እብ ትሉሉይ ለገበኣ በርናምጃት ክምቶም ለሸረሐ መለሀይ ሳሌሕ፡ ወጠን እት ሓዳሰ መርሐለት ዕዲት እቱ ለህሌት ወቅት፡ መሕበር ርእየት ሕክሙት ወሸዐብ እት መንገፎ ወዐማር ኣነኻ እግል ኣብጸሐት፡ ሸባብ ናይ ሲያሰት ፈዛዐቶም ወመሻረክቶም እት ክሉ መጃላት ክም ለዐቤ እግል ወዲ አውለውየት ክም ቱ አከደ።

ፈዛዐት ሸባብ እግል ዓበዮት ለገብእ በርናምጃት፡ ምስለ ሸባብ ተናዚሞም እግል አተረዶት ለገብእ መዋዴዕ እንዴ ትጸበጠ ክም ልትከደም እቱ ሸርሐ። ቅድረት እቅትሳድ ሸባብ እግል ዓበዮት፡ መወሸደኔ፡ ለትፈናተ በርናምጃት ወዲ ጸነሐ። እትለ ሐልፈዮ፡ 35 ናይ ሕርየት ሰዓታት፡ ናይ ምህንት ድራሳት ዎርት ምን እንትሳህ ወአርዛቅ መሕበር ነሰእ ለዐለ ክምቱ ለሸረሐ መለሀይ ሳሌሕ አሕመዲን፤ እብ ሕድት ቅድረቱ እግል ሸባብ ለሀይቡ ለዐለ ከደማት እት ገብእ፡ ምን ሑዳት አዋሬሕ አሰክ ክልኤ ሰነት ለገይሱ፡ እብ ገበይ ምግባይ መክተብ መወሸደኔ፡ አቃሊም ወምዴርያት ለልዳለው ወሸባብ ምህንት ወመቅደረት ክም ለሀሌ እሉም ለወዱ ቶም ቤለ። እብ ተውሳክ እሉም ናይ ምህንት ድራሳት አሰር ለለሐድጎ ወፍሬ ለገም እግል ወዲ መራቀብት ክም ገብእ እቶም ሐበረ።

ገሌ ምንለ ልትህየቦ ወርሻት ድራሰት፡ ድራሰት ኮምፒተር፡ ተኪል ድሹ፡ ኤለክትሮኒክስ፡ ኤለክትሪክስ፡ ጸራብ ሐጺን ወዕጪይ፡ አሰነዮት ኮምፒተር፡ ሺድዮ ካሚራት፡ ሙሲቀት፡ ሰንጅር፡ ሰፍየት ልባሴ፡ ግድሎ ወአትጋራም፡ አትላጋብ ወአሰነዮት ቱቦታት ማይ(ድራውሊት)፡ ተዋብ ንህብ፡

ተዋብ ደወርህ፡ አዳላይ ሸበኩት/ ሸክዒት ጀለቦት ዓለ ወእሉም ለመሰሎ እት ገበኣ፡ አሳሰ ለለጸብጠ ክም ሸቂ ከላት፡ ረሰም፡ አምር ክቱብ፡ ድራሙ፡ ትልህየ ሰሰዒት፡ ግራፊክስ (አትሳናይ ወአዳላይ ሰወር)፡ ፒትትሪ ወእዳረት መአሰሳት ለመሰሎመ እግል ሸባብ ለልትህየቦ ወርሻት ድራሰት ቶም ቤለ።

እብ ተውሳክ ክም አተላላይ ናይለ ሸባብ እብ ምህንት ወመቅደረት እግል ልዕበው ለገብእ ጅህድ፡ እብ መሰል ሰኔት ላቶም ውበዝሓም ቄድረት ወንምየት ለሻረከው እቱ ናይ ሰስ ወሬሕ መንህጅ እንዴ ፈግረ እለ፡ መድረሰት ህማየ ዐረብ ምን አዋክር 2020 እንዴ አንበተት፡ ምን ክለን መአሰሳት ሕክሙት፡ ጀብህት ወመጠንያት መዝማንት ወመሓብር ለመጽአው ሸቃለ ክም አድረሰት ወእት ገበይ ሰኔት ተአሳድር ክም ህሌት ወደሐ።

ሸባብ እግል አተረዶት እብ ገበይ ልጅነት መሳኒት ሸባብ፡ ሰደይት ገበል እት ዐቦት ሸባብ

ወአርዛቅ ከድም ጸንሐ።

መሕበር መሻረከት ወበቃዐት ድራሰት እግል ዓበዮት፡ እት ረአሰለ ሸባብ ሻም ወጠን እግል ለሀሌ እሉም ለወድዩ ጅህድ ወናይ አትፋዝየት በርናምጃት፡ እት መድረሰት አካዳሚ እግል ሐወነው ደረሰ ሰደይት እት ወክድ ከረም ህይብ ጸንሐ። እት ወጠንያይ እምተሓን ካልኣይት ደረጃት ማትሪክ፡ ውቁል ንቃዋ እግል አምጸአው፡ ጃኢዘት ዛግሬ፡ እት ካርጅ መድረሰት ካልኣይት ደረጃት እግል ከለሰው ጃኢዘት ሳው፡ ምን እዴ ሓይሰ ርእሰ እሲያስ አፍወርቂ ልትከብቶ ክም ጸንሐው፡ እት እምተሓን ፆይ ፈሰል (ጀነራል) ውቁል ንቃዋ እግል አምጸአው ህዩ ምስል አቃሊሞም እብ መትሓዳይ ለትፈናተ ጀዋኢዝ ልትህይብ ክም ዐለ ወሀሌ፡ መለሀይ ሳሌሕ አሕመዲን ወደሐ።

ጅግረ መዕሉማት ዓመ ለከልቀዩ ናይ ጅግረ ንዩት፡ ዓዳት ቅራኣት እት ዓበዮት ወአምር ምዋዛን እት ወቀሎት ለልተልሀየ

ወመቅደረት፡ ፈዛዐት ወመሻረከት፡ ዓፍየት፡ ፍጥር ወምህዞ እት ወጠንያይ መጃላት፡ እት ናይ አቅሊም ወእድንዩ መሰረሓት እግል ልሻርኩ ክም ሰዴ እግል ልግባእ፡ ናይ እቅትሳድ ሸባብ ዓበዮት አብካት ፈቱሕ፡ በራምጅ ርያደት ወዓዳት ዓበዮት፡ ናይ ሲሺክ ወናይ ሲያሰት በራምጅ አፍየሐት፡ መራክዝ ሸባብ ምን ጀዲድ ክም ልትሓየሰ ወለዐበዩ፡ እትለ ከሰሰ መጃል ለገኣት ወረቀት ብሕሰ ዱሊት ክም ህሌት ወምስል ወቅት ተእሲሩ እግል ልዕቤ ወልፍየሕ ሰደይት ሰብ ሸርከት ክም ለሐዘኔ አትአመረ።

መወሸደኔ፡ ምህዞ ወሰናዐት ወፍክር ፍጥር ሸባብ እግል ዓበዮት፡ ምንለ እብ ትሉሉይ ለልትከድም እቱ መጃል ክምቱ ሸረሐ። ምን ሰዓታት ረዩም እንዴ አንበተ፡ ምህዞ ወሰናዐት እግል ዓበዮት ብዙሕ መጃላት ገብእ ክም ጸነሐ፡ ምን ጀዲድ በርናምጃት እብ ጌመዋት ወአትሓየሱ፡ ፍሬ እብ ለተህይብ ገበይ እግል ልትከድም እቱ እት ሸቅል ክም ልትረከብ ሐቀለ ሐበረ፡ መርከዝ ምህዞ ወመአንብተት ሸቅል ናይ ድራሰት ወጅግረ በርናምጃት ወዲ ክም ህለ አብረህ።

ምስል እሊ እብለ ልትጸበጥ መሕበር “ፌዋራይ ፍክር፡ እግል ዐማር ገበል” እት ሐንቴለ ትብል ሰቅራት እብ ደረጃት ደውለት ለገብእ፡ ጅግረ ፌዋራይ ፍክር እትብገሰ ክም ህለ፡ እግል ተዐወተው ህዩ ክም ለአትናይት ወለበርናምጅ እግል ብዕዳም ሸባብ ደርሰ እግል ለሀብ፡ እብ ገበይ ቲሺ ኤሬ እግል ልጠለቅ በርናምጅ ጽቡጥ እሉ ክም ህለ አትአመረ።

ምስል እሊመ መወሸደኔ፡ እት መዳፍዐት ወመራዓየት ምስል ኤች ኣይ ሺ ለነብር አንፋር፡ እቢ ወወኒን እግል ኢልሳድፎም ዳፍዶት፡ ወዘየት ኣቡ ሰላማ፡ አተራድ መሻረከት አንሳት እት ድራሰት፡ ካፍሐት ዴራት ዓዳት፡ መካፍሐት ክሸቦ አንሳይት ወህዳይ ምተሐት ዕምር፡ አድመዮት መንገፎ አዋራፍ (ክም በራምጅ ነዳፈት፡ ወዓበዮት መትኔፎየት ጋዝ ወለመሰሉ)፡ አዳላይ መትፋዝዒ ክቱብ፡ ወዘየት



ናይ ዓዳት ወእዕላም በርናምጃት ክም ለአገዱ አሰሸረ።

መለሀይ ሳሌሕ አሕመዲን እንዴ አትሉ፡ አዳላይ ምስል ታሪካይ ወናይ ዐማር አካናት ለገይሰ መጃል “ዛየረ ወጠንከ”፡ አተራድ ተረት እት ካርጅ ለነብር ሸባብ እት መጃላት ዐማር ወጠን፡ ዐበዮት ተእሲር ወመሻረከት መሕበር እት ናይ አቃሊም ወእድንዩ መጃላት፡ ዝሞት በርናምጃት መሳኒት ሸባብ፡ ሳምን ሸባባት ወዲ፡ ፈሰቲሻላት ናይ ክርስ ወፍንጌ ክልያት፡ ወጠንያይ መሀረጃን ሸባብ፡ ጅግረ መዕሉማት፡ ሰዲ ሸባብ እት ናይ እቅትሳድ ወእዳረት መጃላት፡ ምንለ እግል ንሕለፎም ለአለብነ አሸቃል መሕበር ክም ቶም አከደ፡ መለሀይ ሳሌሕ አሕመዲን።

ምስል እሊ እብለ ልትጸበጥ፡ እት ዐውቶት ሪፈረንዱም፡ እብ ደረጃት ወጠን ወአቃሊም ለገኣ ሕርያን በርላማን፡ እት መእተመር ጀብህት ሸዐብዮት፡ እት ዐውቶት በርናምጅ ክድመት ወጠን ወፊራሮ ደረሰ ከረም ወመጃላት መካፍሐት ወዐማር፡ መወሸደኔ ሰኔት ተረት ክም አግደ ወደሐ።

መወሸደኔ፡ ሸባብ እት አትፋዝየት፡ ዝሞት ወአርፈዮት ለአተጅህ፡ ፍገራት ለቡ ወለለአደሚዕ ካድም እግል አግደዮት ናይ ሐምሰ ሰነት ሰትራትጅያይ ኤታን እንዴ አፍገረ በርናምጃት ክም ለአወቂ ወንምም፡ መለሀይ ሳሌሕ አሕመዲን አከደ።

እንዴ አትለ ህዩ እትለ ወቅት እሊ እብ ለትፈናተ ደረጃት ተንዚም (ጸቢብ ወፋዩሕ) ለልትፈንቴ ናይ ተንዚም፡ ሲያሰት፡ መሕበራይ-እቅትሳድ ወናይ ዓዳት ወራታት እት 446 መዳርሰ ምግባይት ደረጃት፡ 133 መዳርሰ ካልኣይት ደረጃት፡ 6 ክልያት፡ 661 እዳራት ደዋዩሕ፡ 67 ምዴርያት፡ ሰስ አቃሊም ወሰስ አፍረዐት ምግባይ መክተብ እንዴ ወደ መወሸደኔ ወራታቱ ክም ለአገዱ እንዴ ደግመ ወደሐ።



እግል አከዶት ወምሻረከት ክሉ ከፈፍል ገበል እት መጃል ሸባብ እግል አከዶት፤ እት መሰለሐት ሸባብ ለልውዕል ከደማት እጅትማዕየት ወዐቦት ፈዛዐት ሸባብ እብ እንትሳህ ትሸቀ እቱ ቤለ። መቅደረት ሸባብ ህዩ እብ ገበይ መወሸደኔ፡ እት በርናምጃት ወጠን ክም መጃል መካፍሐት ወዐማር፡ ፊራሮ ደረሰ እግል ዐማር፡ መጃላት ነዳፈት ምን ገብእ ወወጠንያይ ወናይ እድንዩ ዓያድ እብ ክለ ቅድረቱ

ተረት ዐባይ ተ። መሕበር እብ መናሰበት 30 ሰነት ዒድ ሕርየት፡ ወጠንያይ ጅግረ ታእሪክ “ቡዩ” ክም አትብገሰ ወእት የም 16 ማዮ 2021 እብ አቅሊም ዐንሰበ ክም አንበተ እንዴ ሸረሐ፡ ክሉ ከፈፍል ገበል ለለአሻርክ፡ ምን እዳራት እንዴ አንበተ እብ ገበይ አቃሊም ወዓኢላት ለገብእ እብ ግብአቱ ሕሩይ በርናምጅ ክም ወድዩ አሸረ።

መራክዝ ሸባብ፡ ሸባብ እብ ዕልም

ገሌ ስርዓት ስርዓት ስርዓት

- አቀመጫው ዕንታት ለእሱ ትረሰዕክ ጋራት እብ ቀሊል ክም ትፈቅዱ ትወዱ።
- ቅጥዐት ናይ በረድ እንዴ ነስኣክ እት ፍንጌ ግንፍሌ ወሐባሪት እዳክ ዶል ትረዋሰሰ እግል ሰራይ መጸጸት ረኣሰ ሰዓይት ገብኤ፤ እሊ ህዩ ገሌ መትሐላልፎታት አነጭብ እግል ሐግነት ለልኣትናይተ ሰበት ልትረከበ ዲበን ቲ።
- ሐቲ ደቂቀት ወድ አደሚ እት ሰሓቅ ለልሓልፈ፡ ምስል ክልኤ ሳዐት

እት ሰካብ ለልሓልፈን ትትዓደል።

- እት ክደን በህለት እት መጥዐም ምስል መልሂትክ ለትብልዐ ነብረ፡ ደረጀት ለውቀትክ እንዴ ወሰከት ሀመት ወሸቀሌብ እግል ተሀውን ምንክ ብዝሕት ሰእየት በ።
- ሓሰት ሰሚዕ፡ እት ቀበት ክለን መራሕል ናይ ሰካብ፡ ሐቲ ህተ እብ በይናተ ለእብ ከማል ምን ሽቅለ እንዴ ኢትብጥር ለተኣተላሌ።
- ኢፋሉታያም አፍካርኩ፡ እት ወረገት እንዴ ከተብካህን ዲብ

ሰንዱግ ግማመት ዶል ትለክፈን፡ ለዐለ እግልክ አክይ መዛጅ ተዕዲላት እግል ልሕሰል እቲ ሰዴከ።

- እት ወቅት አሰቡሕ ሕኔት ፍንጃን ቡን ትነስእ ትፋሕ ዶል ትብሌዕ፡ ለተሀሌ እግልክ ደረጀት ሐሰሳይ ለሐሰት ትገብእ።
- ብዝሓም አዳም ሰላዲ ምን ወረግ ለትሸቂት ትመሰል እቶም፡ ምናተ ለአማን ሰላዲ ምን ግጥን ትትሸቁ።
- ሓጀት ባርደት ዶል ትብሌዕ እተ ዶልክ መጸጸት ረኣሰ ለትጽብጠክ እቡ ሰቡብ፡ ደምክ ደረጀት ሐፋነቲ እግል ልዕቀብ እንዴ ቤለ ዲብ ረኣሰክ ሰበት ልትኣከብ ቲ።

ገሌ

- ሐት ሐቲ ዶል እብ ገለ ሰኔ መክሩህ ወምን ቅያስ ወለዐል ለለኣምጽጽ ተየልል እግል ትሕለፍ ትቀድር፡ ወእለ ተየልል እለ ምን አመረ ወቀት ረዩም ለትነስእ ሰኔ ለተኣመጽጽ ወእት ብካይ ለትጀብረክ ወትወጀዐክ ወክም ትትሐነቅ ለህሌክ ለተኣሸዕረክ እግል ትግበእ ትቀድር፡ ከእሊ ተየልልክ እንዴ አሰበርክ እሉ ራዲ ዲብ እንተ ትከበትካሁ ምን ገብኤ፡ ረቢ እብ ሓይሰት ክም በድሉ እግልክ ሸክ ኢቲዴ።
- ለገብእ ልግበእ ነፈር እት ቀቡቲ ሰኔ ለለኣፈሬሕ ከበር ሀለ እሉ፡ እሊ መፍረሓይ ላቲ ከበር ህዩ፡ እንተ አክል አዩ ነፈር ሰኔ ፈዳብ እግል ትግበእ ክም ቲ! ወአክል አዩ ክም ትፈቲ! አክል አዩ ክም ተአወቁ! ወእምካንያትክ አክል አዩ ክም ገብእ አምር ይህሌከ።
- ጠቢዓይት ላተ እዲን ዲብ ኔፍዓይ መጸግም ትተርገዝ፡ ክልመ እግል ብዕዳም ኬር ወፈርሐት ወለውቀት ካፈልኩ፡ እዴክ ለእለ ሓለፍክ ኢተሐግል።
- እት ገበይ ብቅት አሰርር፡ በዐል ሕር ፍክር ግበኤ፡ ወእሊ ለለኣትፈክር አፋካርክ እግል መክሐደ ክረዩ፡ ወእለ ገብእ ልብለ-ኒ እንዴ ትቤመ ኢትፍረህ።
- አ'በ ምርት ምን እግል ነፍሰ ለለኣከርቦ አሲዳት ቲ፡ ወእሊ አሲድ እሊ ፍንጌ አበ ብዕዳም ወአበ ኖሰ ኢፈንቲ።
- ክለ ለእለ ትተምኔ እት ዶል ተሐቀቅ በህለት ኢትን፡ ምናተ ክሉ እብ አማን ለትወደዩ ሰብር አክል ሕድ እት ሙናሱብ ላቲ ወቅት ፍሬተት ለሀይብ፡ እንተ ደማክት ነፍሰ እንዴ ወዴክ ለገበይክ ሌጠ አተላሌ፡ ሰኔያም ላቶም ጋራት እትለ በዝሐ ወቅት ሐቅ ሰብር ረዩም ቶም ለልትረከቡ።

ምን እግል እድት ታሪክ ወደን ምህማቲ ልቲን ዕለታት

- 1978 (ዲሰምበር) እብ ልጁእ ሶዳን ለአተው ኤረትርዩን ዕልቦም 400,000 በጽሐው።
- 1979 (ፌብራይር 6 - 9) 3ይ ወራር ኢትዮጵያ እብ ጀብህት ሸዕብዮት ታሕሪር ኤረትርዩ ወጀብህት ታሕሪር ኤረትርዩ እተ እት ነቅፋ ወድዋራተ ለትመደደ ድፋዓት ክም ልትከሪዕ ገብኤ።
- 1979 (ማርች 30 - ኦፕሬል 11) ራብዓይ ወራር ኢትዮጵያ እግለ እት ድዋራት አልጊነ ለዐለ ድፋዓት ሰውረት እግል ልደውሸሽ ለወደዩ ጀርቤታት እብ ፈሸል ተመ።
- 1979 (ጁላይ 14 - 26) ሓምሻይ ወራር እተ ምን ቅብላታይ ምፍጋር ጸሓይ ኤርትርዩ እንዴ አንበተ እብ ነቅፋ እንዴ ሐልፋ አሰክ በርካ

ለአማደደ ሐድ 400 ኪሎምትር ለራሙ ድፋዓት ሰውረት ከሳሩ እንዴ ጸራ እብ ፈሸል ተመ።



ሐቲ እሲት እግል ብእሱ ምስል መሰንዩፍ ገሌ ምሸዋር እግል ኢጊሰቲ እት ትብል እጃዘት ጠልበት ምን።

ህቲ ህዩ፡ “ከላሰ እት ሰልፍ ክርን ውልዋል

አሰምዲኒ” ቤለዩ። ህተ ህዩ ለመርወሐት እንዴ አሸቂት እሉ ከፋ... ፍ ቴለት ቲ።

አዜመ ምን ሐዲሰ፡ “ዝላም አዝልሚ እግልዬ” ቤለዩ። በኻኸት ናይ ቅዱስ ሀረሰት ወእበ ተማም ረሸረሸቲ።

“በርቅ ውደይ እግልዬ” ቤለዩ። ለከህረርበት እለ ዋልዐት ወኣትቃሰነት እሉ።

“ሀዱድ አሰምዲኒ” ቤለዩ። ገሌ ሓጃት ሀረሰት ከእቡ ሕድ ካመሸት እሉ። እሊ ክሉ ክም አክለሰት፡ “ግድም ደለ እለ ጠለብክ ክለ ወዴክወ እለ ትሸነህክ ወዴክወ እግልከ፡ አዜ እግል ኢጊሰ አጃዝ እግልዬ ቴለቲ።”

ህቲ ህዩ። “ዲብ እሊ ጀው እሊ አዜ እብ ከእፎ ትገይሲ፡ የለ ትገሰይ ሳምዓምኪ ህሌን ለመግለል ግድም ልጽንሕ እግልኪ” ቤለዩ።

ልብብ

ረደ ዋልዴን



እግል ንዋዮም ማይ ወሰዐር ለረክቦ እቲ አካፍት እት ለሐዙ ምን ምድር እት ምድር እት ሰብኮ ወሳግሙ ዲብ ለባዶብ ኬን ወእንሰር እት ልብሎ ለነብሮ ዐዶታት ዐለው። ምርት ምን እሉም ዐዶታት እሉም ምርት ወል ለዐለ እግል ድግለሊት እም ዐለት እቲ። እለ እም እለ ሰኔ ሰበት ገንደበት ሐት-ሐቲ ዶል ፈቃዲተ ተአባዴ ዐለት። ወእትለ ወልደ ትደፍእ ሰበት ዐለት ምንለ ባክ እግል ለአሪም ተሐዜ ኢነብረት። ለደዋለ ዐቅለ ወለ ተሰሩፋተ ክሉ እግል ወልደ ለዐጅቡ ሰበት ይዐለ፡ ሰኔ ልትዳየግ ምን ወቀደምለ አዳም ምን እሕትራሙ ተአንቅሶ ለህሌት መስል እቲ ዐለ። ሐቲ ምዕል ለዐዶታት አሰክ ካልእ ምድር እግል ልንከሶ ሐዘው፤ ከእግል እሲቲ፤ ፊጅር አሰብሕ ዶል ለእለ ንትብገስተ፤ እግል እምዬ ዲብለ ድምነት እዘሚ ምን፤ ወእትለ ባክ ማይ ወነብረ ሕደጊ እለ፤ አሰክ ለባልሐነ ምን ለነስኣ አዳም መጸኣ አውመ ትመይት ቤለዩ። ለእሲቲ ከላሰ አብሸርክ ወለ ኢትትሻቀል ሸንህትክ ወምራድ ክሉ ክምለ እለ ትቤ እግል እውዴቲ ቴለቲ። አዳም ክሉ እግል ምግንዝ ትብገሰ። ለእሲት ክምለ ብእሰ ቤለዩ እግል ሐማተ እትለ ድምነት እዝመት ምን፤ ምናተ ለለኣትፈክር ጋር ወዴት። ለወልዶም ባክለ ነብረ ወለማይ ምስል ድግለሊት እሲት ሐድገቲ፤ (ወድ ሐቲ ሰነት ላቲ ወድ ብክርም ጀኒታይ ዐለ እሉም፤ ወአቡሁ ምን ቅያስ ወለዐል ፈትዩ ነብራ፤ ምን ተዐብ ዶል መጽእ ምን እሙ እንዴ ነስኣዩ ለተልህዩ ወልትደኣል ምስሉ ዐለ። ለዐዶታት ልግዕዝ ውዕል እንዴ ዐለ ሰር አደሐ እግል ዕርፍ ሐድረ። ምን ጽቤሕ ምድር እንዴ አንበተው እት ምግንዝ ሰበት ዐለው ላመ አንወዮቶም ማይ እግል ልሰቲ ወላቅማት እግል ልርከብ ወቅት ረክበ። ወምርትክ ምስል ዐዱ ወባክ ንዋዩ ትገሰ። እተ ዶል ለሀይ ለእናስ ክምለ ዓደቲ ምስል ጀኒታዩ እግል ልህመግ ሰበት ትሸነህ እግል እሲቲ ለሕጻን ሀቢኒቲ ቤለዩ። ህተ ህዩ ምስል እምክ ሐደግክወ ኬን በሉ ምኒና ኢለኣትሐዜነ ቴለቲ። ክርንቲ እንዴ ወቀለ ሚ ትብሊ ህሌኪ? ቤለዩ። እሊ ጀነ እሊ ኢለኣትሐዜነ፤ ሐር ክም ዐበ ክምለ እንተ እግል እምክ እትለ ምግብለ ባዶብ እንዴ ለከፍካሃ ለሐደግካህ፡ ህቲመ እተ ክምሰልህ እግል ልውዴካቲ፤ ኬን በሉ ምንክ ካራይ ምን ትብልዐ ለሐይሰ ቴለቲ። እለ ዘዐት እለ ክም ሰምዐ ክምለ ቃቀት ለሸወጠቲ መስለት እቲ፤ ወእት ሐቅ እሙ ዐባይ ጀሪመት ክም ወደ ሰበት ትፈሀመዩ እግል እሲቲ ሐቲመ ዘዐት ኢበልሰ ዲበ።

ፈረሰ እንዴ መስከ ሻፍግ እት እንቲ ለጀኒታዩ ወእሙ ብድሆ አክሪት እንዴ ኢገበኣ ምን ለዐሬ እቦም አሰክለ ድምነት ዐቅበለ። ክም ልሙድ ለዐዶታት ዶል ልግዕዝ አክሪት ገሌ ተረፍመረፍ ነበሪት ወገደድል ለትማየተ አንወዮት እግል ልብለዐ እትለ ዶለን እትለ ድምነት መጸኣ ነብረዩ። ለእናስ እትለ ድምነት ዶል ዐቅበለ እሙ እግል ጀኒታዩ እትለ ሕቅፈ እንዴ ሐብዐቲ ውልዋል እግል ልርከብ ወለኣተንፍሰ ለረኣሰ ሌግ እብለ ሐንለ ህብጠ እንዴ አፍገረት፤ እግል እብ ማና ወገለቡ፤ እብ ግራህ ወቀደመ ለጀኒታይ እግል ልሸተፈ ለሃፍተ እተ ለዐለዩ አክሪት እት ለክፍ ወተሃውሽ፤ (ጊሳ፤ ጨበል ንስኣ፤ እሊ ወድ ፍላን ቲ) እት ትብለን ጸንሐቲ። ለእናስ እሙ እት ቀደምለ አክሪት ክሪት እተ ለዐለት ብቅት እብ ክልኤ ዕንቲ ክም ረኣየ ምን ሀላክ እንዴ አተክረዩ፤ ወእብ ሰብብለ እት ረኣሰ እሙ ለወደዩ ከይነት ሰኔ ትዑሰ እት እንቲ ወዕንታቲ እብ ብካይ ጀለም እት ወዴ፤ እግል ዋልዳይቲ እትለ ረኣሰ እግል ከም ዶል እንዴ ሰዐመዩ፤ ህተ ወለ ወልዱ ረፍዐዮም ወእትለ ቀሐትለ ፈረሰ ለክፈዮም። ወእንዴ ረፍዐዩ ለአድሁይ ዐረ እበ። ሐቀለ አምዕል ለሀ ረደ እሙ እግል ልንሰእ ብዙሕ ልትጸገም ወልቡ ወክልኤ ዕንቲ እለ ሌጠ ለዐቅቦ ዐለው፤ ወእት ዶል ምግንዝ እት ሰልፍ ክሉ እግል ዋልዳይቲ እት ቀሐትለ ገመል እንዴ ከረ ከእብለ ፈረሰ አሰረ ገብእ ዐለ። ወእግል እሲቲ ምንለ ምዕል ለሀ ወሐር እብለ እለ ወዴት ውዲተ ወእብለ እሉ ሀበቲ ለኢልትረሰዕ ናይ ለባበት ደርሰ ምን ቅያስ ወለዐል እት ለሐሸመ ወእት ፈትዩ ጌሰ። ከሐብል እትብክ ምን ዋልዳይትክ እተ ዲብ እለ እዲነ ለፈገርክ እተ አምዕል ትብተከ፤ ምናተ ክል ዶል እግል ትፍቀደ ለሸንገርብለ እትብክ አሰክ እብ ሐዶትክ ህሌክ ምስለ ገርብክ ትነብር፡ ወለ ገብኣ መክሉቅ እዳሁ ወዐመሉ እትለ እለ ጌሰ ልጊሰ ክም ልትፈደዩ ኢትትረሰዕ።

ዋንሄ ቻንሻን፡ ቀዳሚት ልእክት ሰላም ወውሕደት ቻይና

ሳሕፊ፡ ኪዳኔ ሸመንዲ

ምስል ዶ/ር ሊያንግ ያን ለገአት መቃበለት

ሳሕፊ ጀርደት Eritrea Profile ኪዳኔ ሸመንዲ ምስል ዶ/ር ሊያንግ ያን -ሙዲር ዓም ወሚርሓይ ናይላ ዲብ ኤሪትሮፕ ክድመት ዓፍየት እግል ለሀብ ማጽአም ለሀለው ሐካይም፡ እብ ክሰሰል ዲብ መትሐፍ አቅሊም ቅብለት በሐር ቀየሕ እኩብ ለሀለ ዐተሪ ሐዳረት ቻይና ቀዳሚት ሁጁክ ዐለ፡ ታምም ጽበጥለ መቃበለት እንዴ ተለ ልትቀደም፡

ሰላሌ ዶ/ር ሊያንግ ያን ጁላይ 2025 እት ኤሪትሮፕ ምን መጽእ ወእንሰር ሐል ሓልፍ ሀለ። ከእሊ እንተ ለሀሊክ ምስሉ ሐሽም ሕክምን ለአምጽአዩ ተጠውራት እግል ቄርአት ሐብሬ ወሀብክ ሰላ?

በሊሴ፡ ለታጅር ታሪክ ኤሪትሮፕ ጃዝባይ ሲያሕዩን ምን ክሉ እንክራት ዐለም ቲ። እት ምግብ እሊ ታሪክ ፋዩሕ ህዩ፡ ኤሪትሮፕ ምስል ዐለም ለዐለ እለ መትራኩብ ሀለ። እለ መጅሙዐት ሐካይም ቻይናም ምስል እሊ ኤሪትሮፕ ምስል ዐለም ለትወደዩ ዕላቃት ትትጸበ። መጅሙዐት ሐካይምን እት መትሐፍ አቅሊም ቅብለት በሐር ቀየሕ ህዩ ዎሮ ለልአትዐጅብ ሸይ ረክበት። እተ መትሐፍ ናይ ቻይና ቀዳሚት አሳር ለብእቱ “wanhe Chanshan” ለክቱብ ዲቡ፡ ልክእክት ሰላም ወውሕደት አዝቡን ቅዱም ለወዴሕ አክለዐት ሕፋዝ ረኤናሁ።

እሊ ፈሪቅ ሐካይምን 18 ነፈር ለቡ እት ገብእ፡ 12 መጃል ዲቡ ቄድረት ቶም። ሻዐት፡ ዐመልያት፡ ናይ ክርስ ሰራይ፡ ናይ ለመድ አሰርየት ቻይና፡ በንጅ ወክደማት ሰሜዕ ሀንደጋት ገሮብ ገሌ ምን ምህናቶም ቲ። እት ክልኤ ወጠንያት እሰብዳልያት ኤሪትሮፕ በሀለት መርጅዕየት አሮታ ወእሰብዳል ሐሊበት ህዩ እንሸቄ። እተ እንዴ ጊሰክ ለገብእ ዳወየት ሐውነ ኤሪትሮፕመ ሐዘት ብከ። መሰለን እት እሰብዳልያት ባጽዕ፡ ክረን ወመንደፈረ፡ ናይ ቲክኒክ ሰዳይት ወሰራይ እግል ነሀብ ዎሮ ምን አሸቃልናቲ።

ምስለ ኤሪትሮፕ ሐካይም ወደካትራመ እት ዐመልያት ክርስ-ሐንገል ትሩድ፡ እት ክርሸት ወውረክ ለገብእ እብ ካሚራት ነኣይሸ ለገብእ ዐመልያት-ረቂቅ፡ አሰክ ዐሰሳት ለከምክም ዐመልያት ክርን ወሀንደገት ለተልዩ ዐመልያት ወዐመልያት ቅደድ ድቁብ እንወዴ ወቅድራት ንትባደል።

እብ መዋፈቀት ምን ውዛረት ዓፍየት ኤሪትሮፕ ህዩ፡ ዎሮ ናይ ሕፍዝ ወሻዓት መርከዝ እት ቀበት-ኤሪትሮፕ እቅዩማም ህሌ። ክም ናይ ሐንገል መሐለኪት ዶል ለሀሌ ህዩ፡ ምስል ናይ አቅሊም ሄናን እሰብዳልየት ሳንሚንሸየ ናይ ቻይና ህዩ ምን እንሰር እብ ክሰሰል ዕሉም ሻዐት መርከዝ ሸበክት እንዴ አቂምን ሐብሬ ክም እንረክብ ዋድያም ህሌ። እብ ወሳኤል

እዕላም ኤሪትሮፕመ እለ በዳሪት ክም ናይ ፍድብ ወራት ዓፍየት ሁጉያም እበ ዐልኩም።

እምበል እሊመ 100 ለገብእ መዋዴዕ እብ ክሰሰል ዓፍየት ተርጀምን ወክም ደወ ራጋዝ እበር እት አካን ወጀዕ (አኩፓንክቸር) ወትዊና ለልትበህል አጅናሰ ሳሪዮት እት ኤሪትሮፕ እብ ርሒቡ ክም ገብእ እንክድም ህሌ። በሊሰ ናይ ለገእ ልግበእ ሕማም እት ቀበት ኤሪትሮፕ ነቲጀቱ ክም ትፈግርመ እንሸቄ። ለእሙር ወኔዓይ አግቡይ ሳሪዮት ሸዐብ ቻይና ዲብ ሸዐብ ኤሪትሮፕ ክም ሰብቅ እግል ኒዴመ ሀደፍና ቲ።

ኩሉ በዳሪታትን ረያም መዓወነት ምስል ኤሪትሮፕ ለሀደፋ ወዲብ ተጠውር ዓፍየት ርሕኩም ክም ትቀድሮ እግል ወዲ ቲ። ለናይ መደት ሐጫር ሀደፍኩ ዐመልያት ሕቡሉክ ውድየት፡ ናይ ሴላት ሻዓት፡ ክምሰልሁመ ኔፍዓይ አሰርየት ገቢል ቻይና እብ ቀሊሉ እት ኤሪትሮፕ ሐውነ ሓለፎት፡ ወምን ኤሪትሮፕ ሐካይም ወገቢል ኤሪትሮፕ ለእንረክቡ ሰራይ ገሮብመ መትነፍያት ወእት መሰለሐት ክልኢቱ ገባይል አውዐሎት ምን ወቀይና ቲ።

ሰላሌ እብ ክሰሰል ዲብ ባጽዕ ርኤኩሙ ዐተሪ ምስል ‘መምለክት ሚንግ’ ናይ ቻይና ቀዳሚት ነትብ እቡ ዐልኩ ከእብ ክሰሰሉ ገሌ በለን?

በሊሴ እት መትሐፍ ቅብለት አብሐር ቀየሕ ለረኤናሁ ዐተሪ ናይ ዝያድ 700 ሰነት ተእሪክ እቲ ሐር እንዴ በልሴ ኤሪትሮፕ ወቻይን ምን መደት ለሀ ዕላቃት ክም ዐለት እለን ለትአሰእል ሕካየት ብእቲ። እት ባጽዕ ሐካይም ቻይና እግል ንሸቄ ክም ትከሬኑ ዲበ ወክድ ዕርፍኩ፡ እተ መትሐፍ ዝያረት ወዴ። ዲቡ እሊ ምን ድበን ሚነት አዱሊስ ለትሐፈረ “ዋንሄ ቻንሻን” ለክቱብ ዲቡ ዐተሪ ክም ረኤኩ።



ምን እት መትሐፍ ቅብላቸክ ለሀለ ዐተሪ ክቱብ ቻይና

ሰኒ ትፈከርን ወኤሪትሮፕ እብ ሕፋር አሳር ተእሪክ ቀዳም ገባይል ተእክብ ወእት አጅያል ሐዲስ ተዐዴ ክም ህሌት ርኤኩ። ለዐተሪ እብ አምዋጅ በሐር ለመጽአ ከዲብ አዱሊስ ለትደፈነ እግል ልግበእ ቀድር አውመ ክልኢቱ ገባይል ምን በዲሩ ዕላቃት በረሾት ዐለት እሉ ለትብል ክሳሰት ለሀይበከ።

ሰጅላት ተእሪክ ክመ ለሐብሩ፡ ለዐተሪ ናይ 700 ሰነት ገጽ ግሪ እንዴ አቅበለ ለዐለት መናበረት ለልአሰእል ምን ገብእ ቲ ዝያደት ጃዝባይ ለወድዩ። እተ መደት ለእሊ ዐተሪ ለሓክየ ቻይና እት ሐን መምለክት ሚንግ ዲብ ተዐሊ፡ አድሚራል ዠንግ ሄ መርሐ ዐለ። እተ መደት ለሀ አዱሊስ ክም ሚነት ቀዳመት፡ ምን ቻይና መራክብ ተጃረት ትትሐደር ክም ዐለት ለልአሰእል ሐደስ ቲ። እሊ



ሐሽም ሐካይም ቻይና ዲብ ኤሪትሮፕ

ዕ ላ መ ት ሰላም፡ እንሳንዩት ወውሕደት ለብእቱ ዐተሪ ህዩ ለመደት ለሀ እንሰር ለተርፈ ክም ቲ ለአርኤኩ።

ሰላሌ፡ ‘ዋንሄ ቻንሻን’ መዐነተ ሚ ተ ገብእ?

በሊሴ እሊ አርበዕ ከሊማት ቻይና ለልሐቅፈ መዕነት፡

• ዋን፡ ሐቂፍ ሕድ ወእድንያይት ውሕደት ሸፊሕ።

• ሄ (□)፡ ውሕደት መትቀዳም ሕበር ትሸፊሕ

• ቻን (□)፡ እንሳንዩት፡ ረሕመት ወሰላም።

• ሻን (□)፡ ክም ደብር ትሩዳም እንዴ ገብእኩ፡ ከህላት ንጠውር።

እሊ አርበዕ ከሊማት ምስል እንዴ ተሓብረ ናይ ቻይና ቀዳሚት ልእክት ሰላም ወውሕደት ለልአርኤ፡ ወአሰክ አዜ ለደገልል ሰብ መደት ውላድ ቻይና ውላድ አፍሪቀ ዶል ልርኤ፡ እብለን ከሊማት ሕሽመት ልትሳሎጥም ነብሮ ህለው።

ሰላሌ፡ እሰልፍ እተ ዐተሪ ዕንክ ክም ከሬክ ሚ ሸዐር በይኤክ?

በሊሴ ረኤሰለ ዐተሪ ሐበን ዶል በጠርኩ፡ ክል ነፈር ምኒኩ፡ አላፍ ማይላት አሰክ ግንራራብ አብሐር ዐድነ እብ ዝክርያት አቅበልኩ።

“ዐጃይብ ቱ! አብዕቦታትን እሊ መስል ዐተሪ ዲቡ ልእክት ሰላም ወውሕደት ክትቦ ወንሸሮ ዐለው!” እንቤ እብ ሐቲ ክርን። ሰቦ ምእት ሰነት ግሪ እት ተእሪክ እንዴ ትወለብኩ፡ ሰቃፈት ኤሪትሮፕ ወቻይንዩን ምንኬን አብሐር ክም ተዐዴት ክትባጽሐት ፈሀም። ምን እሊ አሳር ከላት ለእንደርሴ እለ ዮም ብኒት ለህሌት ዕላቃት ቻይና-አፍሪቀ ምን በዲር ለእንሐት ወምስተቅበል ናይ ሕበር ሰበት ብኩ፡ ምስል እግል ንሸቄ ሰለል ወአሳስ ለትገብእ እግልና ቲ።

ዕላቃትን እት በዳዩዕ ወተሻሸት ሌጠ ለትሐደደት እንዴ ኢትገብእ፡ እት መትባዳል ዓዳት ወሰቃፈት፡ ክምሰልሁመ ለባበት ቃልየት ክም ዐለ ለአርኤ። እሊ ህዩ፡ እግል “ገበይ-ሐሪር” ናይ ቻይና ምስል ኤሪትሮፕ እብ ግንራራብ ሚነት



ዶ/ር ሊያንግ ያን

ለእንወድዩ አሸቃል አክቦት ዓዳት እግል ነኣቂም እግል ንክደም ቲ። አነ ህዩ እት ዐደታት አፍሪቀ ዲብ እሸቄ፡ ሐኪም ሌጠ እንዴ ገኣኩ ለብዕድ ጋራት ይአቀምት ሐቆ ገኣኩ ብላሽ ቲ። ግንራራብ በሐር ቀየሕ፡ ቀዳሚት ወናይ አዜ ሐዳረት ለጨምር መርበይ ሄራር ክም ዐለ ዮመቱ አመርኩ።


ሰላሌ፡ እብ ክሰሰል ኤሪትሮፕ ወገቢል ለሀለ እክ ሸዐር ሚ መስል?

በሊሴ፡ ግርመት ጠቢዐት ኤሪትሮፕ፡ ምስል ቃሊ ዓዳት ወሕሽሞታት ገቢሉ፡ ሰኒ ለልዕጅበኒ ሸይ ቲ። ደለ ረክበኒ ወታሌነ ኤርትራ ፋሬሕ፡ ሸቅል ለፈቱ ወመትሐድራይ ጋሻ ቲ። ሰበት እሊ፡ ዐጃ ክም አቅበልኩ፡ ዕምር ምን ለሀይበኒ፡ ኤሪትሮፕ ሐቲ ምን ዲመ ለአትቃብሉ አካናት ዝያራቹ እግል ኢደየ ሳትት ህሌኩ።

ሰላሌ፡ ናይ አክር ለትብሉ ምን ብከ በክት እግል ሀበክ?

በሊሴ እሊ ቃሊ ሸቅል ወአሳር ከላት እግል እሊ ናይ አዜ አደቃብ ዕላቃት ክልኤ ለዱለት ሰኒ ኔፍዓይ ቲ። ሐዳራት እብ መትባዳል አሸየእ ቱ ለልትጠወር፡ ወመሰንዮትመ ለልዕቅቤ፡ ለጠውረ ወለለአሰንዮ አላት ወመሳሌሕ-ሕበር ቲ። እብ ሸዐር ናይ “ዋንሄ ቻንሻን” እለ ናይ አዜ መዓወነት ቻይና-ኤሪትሮፕ ዲብ መጃል ዓፍየት፡ ዲብ ናይ ዓዳት መዓወነትመ ባብ ፋትሐት ለህሌት። “እሰእን ሐ ገያሲት ተ” ክመ ልትበህል፡ ጊሰክ ወበጽሐክ ምን ገብእ፡ ብዞሕ ትርኤ ወትሰሚዕ። እብለ ገበይ ግንራራብ በሐር ቀየሕ ዕላቃት ቻይና-አፍሪቀ ወቻይን ኤሪትሮፕ እብ ምስንዮት ወሰዳይት ሕድ እግል ተአተላሌ ወመጃላት ሐዲስ እቲ እግል ትእቲ ክም ትቀድር ሸክ አለብዩ።

ሸክር፡ እተ እሉ ሀብከን ወቅትከ ወመትባዳል ረኤይ ነሐምደክ ዶክተር ሊያንግ ወእንተ ወመልህያምክ በኪት ወቅት ሸቅል እት ኤሪትሮፕ ንትምኔ እግልኩም።



ምግብ፡ ጅግራታት ግራስ-ሩት ልተላሌ



እት ፍንጌ 16 ምዴርያት አቅሊም ምግብ ገብኦ ለሀለ ጅግራታት በዲል መተልህየት ወክትሌታት 'ግራስ-ሩት' ለሐልፊያ አምዲት እብ ለትፈናተ አጅናስ ርያደት ትሉሉይ ዐለ።

ውላድ መተልህየት ኮበሪት እግር ምትሐት 15 ሰነት ዓማር ማሌ እተ ወደዉ ጅግራታት፡ ፓራዲዞ እግል ቲራሾሎ 4-2፡ ምግብ መዲነት እግል ሰምበል 3-0፡ አክርያ እግል ጎዳይፍ 3-0 ወገጆረት እግል በሪኽ 2-0 ቀልበዎም።

አባሻውል ምስል ሰረጀቃ፡ ክምስልሁመ ዐዳጋሐሙስ ምስል ገዝ ባንዳ እተ ወደዉ ትልህያታት ህዩ እብ አክል-ሕድ ፍገሪት 2-2 እት ልትፈናተው፡ አርባዕቲ-አስመራ ምስል ጸጸራት 1-1፡ ወጋላ-ነፍሐ ምስል ማይተመናይ 0-0 ጅግራሆም አትመመው።

እት ናይ አዋልድ ፍረቅ ህዩ፡ አርበዕቲ አስመረ እግል አክርያ 3-አብዐ እት ቀልባህ፡ ዐዳጋሐሙስ ወማይተመናይ 2-አብ2፡ አባሻውል ወበሪኽ ዐኡብዐ፡ ፓራዲዞ ወጎዳይፍ ህዩ 1-አብ1 ትፈናተዩ።

መተልህየት ኮበሪት እግር ምንተሐት 13 ሰነት ዓማር እተ ወደዉ ትልህያታት፡ ቲራሾሎ እግል ፓራዲዞ 1-0፡ አባሻውል እግል ሰረጀቅ 4-2፡ ሰንበል እግል ምግብ መዲነት 3-0፡ ጸጸራት እግል አርባዕቲ አስመረ 2-0፡ ገጀረት እግል በሪኽ 2-0፡ ዝባንዳ እግል ዐዳጋሐሙስ 1-0፡ አክርያ ወጎዳይፍ 2-2 ወጋላ-ነፍሐ ወማይተመናይ ህዩ 0-0 ትፈናተው።

እት ናይ አዋልድ ትልህያታት ህዩ፡ ጎዳይፍ ወአኽርያ 1-1፡ ጸጸራት እግል አርባዕቲ አስመራ 4-2፡ ማይተመናይ እግል ጋላነፍሐ 5-1፡ ቲራሾሎ እግል ፓራዲዞ 2-0 ፈግረው።

እሊ ጅግራታት 'ግራስ-ሩት' እብ አትሌክስመ ገብኦ እስሙን ቲ። ዓማር 13 ወ17 ሰነት ናይ 50፡ 100 ወ200 ምትር ሰዐይ እቲ ናይ አትሌጊራይ ጅግረ ወደው። አዋልድመ ዕምር 17 ሰነት እት 800 ምትር ለወደያሁ ሰዐይ ትልህየ ካቲሙ፡ ሄራን ፍጹም ምን በሪኽ፡ ኮከብ ዮናስ ምን ጋላ-ነፍሐ ወኤደን ሐድሽ ምን ሰረጀቅ ተወወተዩ።

ምንተሐት 15 ሰነት ዓማር ዲብ 1000 ምትር ናይ ካቲመ ጅግረ ሰዐይ እተ ወደዉ እተ ኢነት፡ ምን ውላድ እሰይ ወልዱ ምን ጎዳይፍ፡ ነቢል ዑመር ምን ጋላነፍሐ፡ ወብሩክ ክፍሌ ምን ጎዳይፍ ሰልፋያም ሰለስ ዕዉታም ገኦው። ምን አዋልድመ ሄርሚላ ሙሴ ምን አርበዕቲ-አስመረ፡ ሚርያም ኪዳኔ ምን ጎዳይፍ፡ ወፍርቱና ኪዳኔ ምን ጸጸራት ለትወወተያ ተን።

እት ነፍሱ እሊ ዓማር እት ናይ 400 ምትር ሰዐይ፡ ማትያስ ጸሃዩ ምን ገጀረት፡ ዮናታን ፊልሞን ወብሩኽ ዮውሀንስ ምን ጎዳይፍ ለትወወተው ቶም። ምን አዋልድመ ኤልያና ሃብቶም ምን በሪኽ፡ ኤልሄር ሰለሙን ወናሄር ጸሃዩ ምን ጸጸራት ምን አወላይ አስክ ሳድስ ተርቲብ ለአተያ ተን።

እት ማሌ ምሴት አተሉት ለገብኦ ናይ ለትፈናተ ጅንስ ርያዳት ጅግራታት 'ግራስ-ሩት' ምን ውላድ ፍረቅ ፓራዲዞ እግል ቲራሾሎ 7-0፡ አባሻውል እግል ሰረጀቅ 2-1፡ አኽርያ እግል ጎዳይፍ 7-0፡ በሪኽ እግል ገጀረት 2-0፡ ዐዳጋሐሙስ ወገባንዳን 2-2፡ ማይተመናይ እግል ጋላነፍሐ 1-0፡ ምግብ መዲነት ወሰምበል 1-1 ወጸጸራት እግል አርበዕቲ አስመረ 3-1 ትፈናተው።

እት ትልህያታት አዋልድመ ፓራዲዞ እግል ቲራሽሎ 3-0፡ ሰምበል እግል ጋላነፍሐ 3-0፡ ገጀረት እግል ጸጸራት 6-0 ወበሪኽ እግል ጎዳይፍ 2-0 ቀልበያህን።

ዲብ ስታድዩም አስመረ ወሚዳን ወጠንያይ ፈደሬሽን ኮበሪት እግር ለገኦ ናይ ምትሐት 15 ሰነት ዓማር ጅግረ 200 ምትር ሰዐይ እቲ ለትወወተዩ አዋልድ፡ 1ይት ሉልያ ተወልዴ ምን በሪኽ፡ 2ይት ኤልዳና ሳሚኤል ምን አባሻውል፡ ወ3ይት



ናሄር ጸሃዩ ምን ጸጸራት እት ገብኦ፡ እት ናይ 400 ምትር ምትሐት 17 ሰነት ዓማር ምን ውላድ፡ 1ይ ያቆብ ካሕሳይ ምን ምግብ መዲነት፡ 2ይ ናኤል መርሃዊ ምን ሰምበል ወ3ይ ሰለሙን ተክለማርያም ምን ጸጸራት ገኦው።

እት ናይ ካቲመ 1500 ምትር ሰዐይ ህዩ፡ 1ይ ሄናስ ቢንያም፡ 2ይ እሰይ ተስፋ-አለም ክልኢቶም ምን በሪኽ፡ 3ይ ህዩ ሀብቲማርያም ብርሃኔ ምን አበሻውል አተው።

ምን አዋልድ ህዩ፡1ይት አብርሀት ብርሃኔ ወ2ይት ሄራን ፍጹም ክልኢቶን ምን በሪኽ፡ 3ይት ቤትኤል ዘክርያስ ምን ሰረጀቅ ተወወተዩ።

እት ዩሴት (ስረት-ምድር) ምን ውላድ፡ 1ይ ሙባረክ አሕመድ ምን ጋላነፍሐ፡ 2ይ ሴም ብርሃኔ ምን ጎዳይፍ፡ ወ3ይ ሰናይ ይክኦሎ ምን በሪኽ፡ ምን አዋልድ ህዩ ሽገይ ዜናዊ ምን በሪኽ፡ ትእማር ወልደሚካኤል ምን ሰረጀቅ፡ ወሉልያ ሐጎስ ምን በሪኽ ምን 1ይት አስክ ሳልሳይት ለትረተበያ ተን።

እብ ለኪፍ ዲስካስ ለትወወተው ያረድ ሐዲሽ ምን ጎዳይፍ፡ ዮናታን ታደሴ ምን ጋላነፍሐ ወሄናክ ጸጋይ ምን በሪኽ እት ገብኦ፡ ምን አዋልድ ሆስቲና ክዳኔ ምን ጎዳይፍ፡ ብርኽቲ ዐንዱብርሃን ምን ሰረጀቅ ወሽገይ ዜናዊ ምን በሪኽ ደርብ-ሕድ አተዩ።

እት ለኪፍ ምደት-ሐጺን አዋልድ ሆስቲና ክዳኔ ምን ጎዳይፍ፡ ፋርቱና አብርሃም ወአብርሀት ብርሃኔ ክልኢቶን ምን በሪኽ ተወወተዩ።

እብ ለኪፍ ከወኒ ለትወወተው ምን እንረኤ ህዩ፡ ያፊድ ሐዲሽ ምን ጎዳይፍ፡ ናኤብ አማን ምን ሰምበል ወዐንዱብርሃን ክብርኣብ ምን ሰረጀቃ። ምን አዋልድመ ኤልዳና ታደሴ ወፋርቱና አብርሃም ክልኢቶን ምን በሪኽ ወሲሞና ያፊድ ምን ሰረጀቅ ሰልፋያት ለአተያ ተን።

መትጃግረት ግራስ ሩት ናይ ሰልፋይት መርሐለት ጅግራታቶም እንዴ አትመመው፡ ፈጅር-ለሀ ጅምዐት እት 2ይት ደውረት ጅግራሁ ለአቲ ሀለ። ዮም አርቦ ህዩ እብ ሰበብ ዝላም ቅዝር ጅግራታት አትሌቲክስ ለኢወደው እግል ልትጃግሮ ቲ።

ተኸለት ኢሳቕ (ሳንድያጎ) ዕላቃት ግም

ናትናኤል ተስፋ-ጽዮን እት ጅግረ ዐጀላት ስፑይን ለአሽብርቅ

መትባድራይ ፈሪቅ ሙሽ-ስታር ናትናኤል ተስፋ-ጽዮን፡ ለሐልፊት ሰንበት-ዐባይ እት ስፑይን ዲብ ገብኦ ናይ ሐቲ ምዕል 81ይ ብድረ ዐጀላት 'ክላሲክ ቼርኪቶ' ጌትሶ አወላይ አተ።

እሊ ምን መዲነት ቢልባኦ እንዴ ትበገስ እት መዲነት ጌትሶ ለአትመመ 172.2 ኪሎ ምትር መሳፊት ለዐለት እቲ ጅግረ፡ ድቁብ ግምብያታት ሾላተ ለትረኦ ዲቡ ዐለ።

እሊ ብዝሓም መትባድረት ዐጀላት ለጀረበ ጅግረ ድንኪክ፡ ለናይ ደንገበ ኪሎምትር ዲብ መራቀብት መትባድረት ፍረቅ በሕፊን ሺክቶርዮስ ወኮንፊድስ ለአቲት እቲ ወቅት፡ ለዐውቲ ናዮም ሌጠ መስል ዐለ።

መትጃግረት እት ከዋ ነሃየት እት ልሽእጎ አክለ ጌሰው ላኪን፡ መትባድራይ ዐጀላት ፈሪቅ UAE ፓሽል ሲቫኮሽ ምን መጅሙዐት እንዴ በትከ እግል ልትፊተት ጀረበ። ለሐሰ ህጃም እንዴ ሀረስ መትጃግረት ለአትሐሶስ ከለትጃገረ ላኪን፡ ሚላን ሼደር ዐለ።

ፔሎ ቢላቦ ሻፍግ በሊስ እብ ግምብዩ ምንመ አርአዮም፡ ናትናኤል ተስፋ-ጽዮን ምን ዘንቦም ተሪፍ አበ። እሊ ናይ 1.1 ደረጃት ለቡ ጅግረ፡ ናትናኤል ተስፋ-ጽዮን እግል ፓው ሚገል ናይ ናዲ ባሕሬን ሺክቶርዮስ ወአሌክስ አራምቡሮ ናይ ኮፊድሰን እንዴ አጅገሐ፡ እብ 3ሳ፡58ደ፡49 ካልኢት አወላይ እንዴ ፈግረ ተወወተ።



መሻርከት ሻምፕዮን ለገብኦ ፍረቅ ኮበሪት እግር ኤረትርዮ ተፈረገ

ጅግራታት ሻምፕዮን ነዋዲ ኮበሪት እግር ኤረትርዮ እተ መጽእ ወሬሕ ሰብተምበር ዲብ ከረን እግል ልግበኦ ስታት ፋግር ሀለ። እሊ ምን ሰስ አቃሊም ዐድነ ለሐልፊ ፍረቅ

ማይ አትከሞም እግል አዱሊስ እት ሰልፋይት ትልህየ 1-0፡ ሰበት ቀልበ እብ እዴ ለዓሊት እት ካልኦይ ትልህየ ዕዱይ ምንመ ለዐሌ፡ ናዲ አዱሊስ 3-0 ሰበት ተወወተ ዲቡ



ምን ፍረቅ ኮ/እግር

ለልአሻርክ ጅግራታት፡ ለልሐልፍ ፍረቅ እግል ፈረጎት ናይ አትሜራይ ትልህያታቲ ወደ።

ናይ ክልኤ እግር ትልህየ አትሜራይ ለወደ ነዋዲ ኮበሪት እግር፡ አተሕሪር ናይ አቅሊም ምግብ ምስል አልህላል ናይ አቅሊም ዐንሰቤ፡ ክምስልሁመ አዱሊስ ናይ ምግብ ምስል ማይኦትከሞም ናይ ቅብለት በሐር ቀየሕ ቶም።

አልታሕሪር እተ ሰልፋይት ትልህያሁ 3-1 እት ልትወወት፡ እተ ካልኦይት እግር ትልህያሁ ህዩ፡ ረያን መሐመድ እበ አተዩ እሎም ጎል 1-0 ሰበት ቀልቤ፡ ሀለዮቲ ዲብ ትልህያታት ሻምፕዮን ኤረትርዮ ለአከደ ፈሪቅ ቲ።

እብ ጀሚሮ፡ አዱሊስ ሓልፍ ሀለ። ላሳሌ ናይ አቅሊም ዐንሰባ ምስል ደቀምሐሬ ናይ አቅሊም ግብለት እግል ልተልሄ ለትረተበት ትልህየ፡ ፈሪቅ ደቀምሐሬ እት ሚዓዱ ሰበት ኢመጽኦ፡ ናዲ ላሳል 'እብ ፎርፋይት' ሓልፍ ሀለ። ለትሐልፍ ሐቲ ኮተት እግል አታማም እት ፍንጌ ፍረቅ ማይኦትከሞም ወአልህላል ለገብኦ ዕጽ፡ ፈሪቅ አልህላል ሐልፈ።

ሻምፕዮን ነዋዲ ኮበሪት እግር ኤረትርዮ ምን አቃሊሙ ሰልፋይ ለፈግረ ፍረቅ፡ ክምስልሁመ እት አቅሊም ዐንሰበ ወምግብ ካልኦይ ደረጃት ለጸብጠ ፍረቅ እንዴ ሐየቤ፡ እት ፍንጌ 12 ፈሪቅ ለገብኦ ጅግረ ድቁብ ቲ።



ምህሮ ወወቦች ህግደ

ዶ/ር ሳልሕ መስመድ



ቴለል ሄራር ምህሮ እት መደት ግድለ ሰለሕ



ሰውረት እት ወርሕ ሰብተምበር ናይ ሰነት 1961 ተኣኑበት እት ህሌት፡ ዝሙት ወክደድ ለዐለ ሕቁቅ ሽዑብ ኤረትርያ እንዴ በልሰት፡ ሕርየተ ወስዶደተ ለትሐፈዘ ደውለት ኤረትርያ እግል ተኣሰሰ እንዴ አመመት ቱ ለትበገሰት፡ ምህሮ ህዩ ኦሮ ምነ ሽዑብ ኤረትርያ ሕሩም ምኑ ለዐለ ሕቁቅ ወድ-አዳም ሰበት ገብአ፡ ሰውረት ኤረትርያ ምን ለትበገሰት እተ አምዕል እግል ተኣኑበት ምንመ ትትነየት፡ ለናይ ሰልፍ 10 ሰነት ላተ ምን እት ምሕርበት ትገብእ ለዐለት ወራት አብደዮት ቅዌት ወኪን እግል ሽዑብ መዳርስ እግል ትፍተሕ እተን ለልትቀድር የዐለ፡ ሰበቡ ህዩ ትውረት እት መርሐለት ፈር ወክር ሰበት ዐለት እንዴ አማደደት መዳርስ ለትፈትሕ እቱ አራዲ ሕሩር ይዐለ እግል፡

ጀብህት ሽዑብየት እግል ተሕሪር ኤረትርያ ሰነት 1970 ‘ቅዋት ተሕሪር ሽዑብየ’ እብለ ትብል ሰሚት እግል ትትኣሰስ ዲብ ሰዱሕ ዓለ ለወዳቱ ናይ መትኣሳስ እጅትምዐ፡ እብ ክሰስ አምበቶት ንዛም ምህሮ እት ሕሩር አራዲ ኤታን አፍገረት፡ ምናተ አሰክ ሰነት 1975 ለዐለ ቴለል መዳርስ እግል ትፍተሕ ለሰምሕ የዐለ፡ እት ቀበት ምሕርበት ላተ ወራታት አብደዮት ቅዌት እት ትወዴ ክሉም ምሕርበት ክም ከትቦ ወቀርኦ ገብአው፡ እለ ወራት እለ አሰክ አምዕል ሕርየት አተላሌት፡ እግል መሰል ምን ሰነት 1986-1990 ሌጠ 8,4733 ምሕርባይ ቅዌት አብደው፡

ጀብህት ተሕሪር ኤረትርያመ ኤታን አምበቶት ንዛም ምህሮ እት ሕሩር አራዲ ኤረትርያ ሰነት 1971 እትለ

ወዳቱ መ-እተመር ናይለ ተንዚም ሀድገት እቱ፡ ምናተ ለቴለል መዳርስ እግል ተኣምብት ለለአቀድር ሰበት ይዐለ፡ ወራታት አብደዮት ቅዌት ወምህሮ ህግደ ዐረቢ ለኢትሰረረተ አሰክ ሰነት 1975 ለተኣንበተ መዳርስ ይዐለ፡ እት ሰነት 1975 እትለ ወዳቱ ካልኣይ መ-እተመረ ምን ሕዲስ ሀድገት እቱ፡ ሐቆ እለ መ-እተመር እለ ላኪን ከም ከረ በቅለ (ሮረ ሐባብ) ወአሰማዋ መዳርስ እንዴ ትፈትሐ ሽዑብ እግል ለአድርስ አምበተዩ፡ ህግደ አድረሶት እብለ ክሰስ ጀብህት ተሕሪር ኤረትርያ እብ ዐረቢ ወትግርኻ ሌጠ ተኣድርስ እት ህሌት፡ ጀብህት ሽዑብየት ላኪን እብ ክለን ሀገጊ ኤረትርያ እግል ተኣድርስ ቀረረት፡

ሐቆ ሰነት 1975 ጀብህት ሽዑብየት ሀለዮተ ሰበት አመርዴት፡ ለቀደም 5 ሰነት ለኤተነቱ ንዛም ምህሮ እት ሕሩር አራዲ ኤረትርያ እት ፍዕል እግል ተኣውዕሉ አምበተት፡ ከም መኣንበት ናይ እለ ኤታን እለ ምንህጅ (ካሪክለም) ለለአዳሉ

ምሕርበት ዳርሳም ምን ምሕርበት እት ሰነት 1975 ተሐረው፡ እሉም ምሕርበት እሉም ምን በሕ እንዴ አምበተው እግል አምበቶት ምህሮ ለገብእ አክትበት ደረሰ ወመምርሕ መደርሲን አዳለው፡ ዲብ ወገሕ ሰብተምበር ሰነት 1976 ህዩ ለናይ ሰልፍ ቤት ምህሮ እት አፍላግ ሳሕል እት በዐት ቢጫይ ለትትበሀል ወእብ ኮድ ዐሰከሪ ላተ እብ ዘሮ ለትትአመር አካን ተኣምበተት፡ ‘ቤት ምህሮ ሰውረት’ ለትብል ሰሚት ተህየበተ፡ ደረሰ መድረሰት ሰውረት ምን ዕምሮም ሰነት ርፍዐት ሰለሕ እንዴ ኢበጽሕ እት ሰውረት ፋግራም ለዐለው ምሕርበት ንኣይሹ፡ ውላድ ላጅኢን፡ ወውላደ እተ ባኑት ለነብር ሽዑብ ለመጽአው ቶም፡

ለናይ ሰልፍ ድፍዐት ደረሰ መድረሰት ሰውረት ላቶም 90 ደረሳይ እት ወርሕ ሰብተምበር 1976 ዘሮ ከም አተው መድረሰት ሰውረት እብ ረሰሚ ተኣምበተት፡ ዕልብ ደረሰ እት ለአተላሌ እት ሰነት 1976 ሌጠ 325 ደረሳይ በጽሐ፡

ሐቆ 10 ሰነት እት ሰነት 1986 እት ሐቱ ዶል ሌጠ 3000 ደረሳይ ወ152 መደርስ በጽሐ፡ ሰነት 1989 ህዩ ዕልብ ደረሰ መድረሰት ሰውረት 40,130 ደረሳይ ወዕልብ መደርሲን ወመረብየት ህዩ፡ 900 በጽሐ፡

መድረሰት ሰውረት ከም መጀረቢት ናይለ ሐዲስ ካሪክለም እንዴ ገብእት ትክድም ዐለት፡ እት ሰነት ድራሰት 1975/76 እብ ሰዐይ ሰዐይ ለትዳለ ካሪክለም ሰነት 1977 እንዴ ትሳነ እት ሸቅል አተ፡ እብ አሳስ እለ ካሪክለም ሐዲስ አወላይት መርሐለት ምን አወላይ አሰክ ሓምሳይ ፈሰል፡ ምግባይት መርሐለት 6ይ ወ7ይ ፈሰል፡ ካልኣይት መርሐለት ህዩ ምን 8ይ አሰክ 10ይ ፈሰል እግል ትግባእ ትቀረረ፡

ለዲብ መድረሰት ሰውረት ለትጠወረ ወትጀረበ መንህጅ ድራሰት፡ ዲብ ክሉ ሕሩር ለዐለ አራዲ እት ልትሸቆ እብ አምበተ፡ እት ረኣሰለ እት ብሩር ኤረትርያ ሸቅየ ለዐለየ መዳርስ ዲብ ሰነት 1977 ወ1978 መዳይን ኤረትርያ ብዙሕ ሰበት ተሐረረ፡ እት መዳይን መዳርስ ብዙሕ ትፈትሐ፡ ሰነት 1978 እት ክሉ ምድር ሕሩር 30,000 ደረሰ ለበን 150 መዳርስ ዐለየ፡ ሐቆ ስትራተጅያይ አርሀየት እለ ዕልብ እለ ምንመ ነቅቤ፡ እት ደንግብ 1980ታት ላተ ዕልብ ደረሰ አራዲ ሕሩር 30,000 ወዕልብ መደርሲን 2,000 ባጽሕ ከም ዐለ ወሳይቅ ፈርዕ ምህሮ ጀብህት ሽዑብየት ሸርሕ፡ ወራታት

ምህሮ እግል እብ ዐለዮ እት ድወል ብዕድ ነብር ለዐለ ሽዑብ ኤረትርያመ ልትህየብ ዐለ፡

እት ረኣሰለ እት ንዙም መዳርስ እግል ደረሰ ንኣይሹ ልትህየብ ለዐለ ምህሮ፡ እግል ዐባዩ ለልትህየብ ድራሰት አብደዮት ቅዌትመ ልትህየብ ዐለ፡ እግል መሰል ሰነት 1989 ሌጠ እት ሶዳን፡ ወእት አቅሊም ምፍጋር ጽሓይ ወምግባይ ምፍጋር ጽሓይ ሌጠ 8,960 ናይ አብደዮት ቅዌት ደረሰ ዐባዩ ዐለው፡

ምህሮ እት መደት ሰውረት “ዕልም ነዘርየት ወፍዕል ለከምክም እግል ልግባእ ቡ” ለትብል ፈልሰፈት እበ ልትመራሕ ዐለ፡ ከእብሊ ደረሰ ክሉ ለደሩሱ እት ፍዕል እግል ለአውዑሉ የም አለቡ ወራታት ልትህየቦም ዐለ፡ ሐቱ ምነ ፍዕል ወነዘርየት ምስል ለአደርስ ለዐለየ መዳርሱ ወለት መድረሰት ሰውረት ላተ ቤት ምህሮ ቴክኒክ ዊና ተ፡ እት ሰነት 1985 እግል እተ መደት ለህ ሳድፍ ለዐለ መሻክል ቴክኒክ እግል ተኣርሄ እት ቀጣን ለትትበሀል እት ምዴርየት ነቅፈ ተኣሰሰት፡ ናይ አሳት ድራሰት ሕዲን ሰበት ዐለ እግል፡ እት ሰነት 100 ደረሳይ ሌጠ ትትክበት ዐለት፡ መድረሰት ሰውረት ምን ተኣምበተት የም ዓመት 50 ሰነት ሰበት ወዳት ኢዮቤል ደሀባይ ተዐይድ ህሌት፡ እተ መጽእ ዐደድ ናይ እለ ዓሙድ እተ ጀብህት ተሕሪር ትወድዩ ለዐለት ወራታት ምህሮ እንዴ ኢንትዐዴ፡ ፊቃዶ መድረሰት ሰውረት እግል ነአተላሌ ተ፡

ተኣምሮ ገብእ፤

1. ጃምዐት አስመረ ዲብ የም 17/7/1967፡ 32 ሰረሳይ እብ ዲግሪ አድሐረት፡
2. ጃምዐት አስመረ ምን ትትኣሰስ ደናግል መርሓህ ሐቆለ ጸንሐየ፡ ዲብ ሰነት 1972 እግል ሰልፍ ዶል ሕኩመት አቶብዩ ርኢስ ሸየመት እተ፡
3. ማሕበር ደረሰ ጃምዐት አስመረ ሰነት 1972 ተኣሰሰ፡ ዲብ ሰነት 1974 ህዩ ትመንዐ፡
4. ጃምዐት አስመረ ዲብ ሰነት 1977 ናይ አቶብዩ መፈወድየት ተዐለም ውቁል እብ ገበይ ረሰምየት ትክበተተ፡
5. ጃምዐት አስመረ ዲብ ሰነት 1982 ነፈር እድንያይ ማሕበር ጃሚዓት ዓለም ገብእት፡

ዴማት፡ ዘመናዊ ትምህርቲ ኣብ ኤርትራ (1840-2020)፡ ብፕሮፌሰር ታደሰ መሓፊ 2024

በሊስ ተክተት ክሊማት

ሕ	ዳ	ሌ		ን	ጋ	ረ	ት		ሓ
ር		ሎ	ሂ		ድ		ከ	ረ	ም
ጊ				ጋ	ም	ለ	ት		ለ
ኀ	ማ	ት		ር		ኃ			
	ሌ		ፋ	ሰ		ቃ	ብ	ሬ	ከ
ሀ		ሚ	ሰ		ና	ይ		ከ	
ላ		ራ	ድ	የ			ሐ	ባ	ይ
ፋ	ር	ሰ		ም	ሰ	ል		ይ	
ት			ሐ		ቃ			ዕ	ሰ
	መ	ጋ	ር	ያ	ይ		ሐ	ን	ቱ

ዐቦት ህግደ

ሐቱ ህግደ እግል ትዕቢ ወትትመወር ለለአትሐዜ ጋራት ሚ ቱ?

1. እግል ዐቦት ህግደ ለለአትሐዜ ሰልፋይ ጋር ሀለዮት መሳዋት ሀገጊ ለለአትናይት ወበክት ዐቦት እግል ክለን ሀገጊ ለፈቴሕ ፖሊሲ ህግደ (ሰዶሰት ሀገጊ) ተ፡ ሀገጊ ለትከሰስ ሰዶሰት ሕኩመት ኤርትርያ “ብዝሐነ ግርመትናቱ” እትለ ልብል መብደእ ለተንክበት ተ፡ እለ መብደእ እለ ዲብ Unity in diversity (ውሕደት ዲብ ብዝሐነ) ሰበት ለአምን ኩለን ሀገጊ ኤርትርያ አክልሕድ ተን፡ ለገብአት ቅምየት እብ ህግደ ናሰ እግል ትትነፈዕ ወትድረስ ትቀድር ለልብል ወቅምያት እለ ሐቅ እለ እግል ልትነፍዐ በክት ለለሀይብ ተ፡ ከእብሊ ለአወላይ ሸርጥ ዐቦት ህግደ ኩለን ሀገጊ ኤርትርያ ታምም እግልን ሀለ፡

2. ለካልኣይ ሸርጥ ህዩ ሀለዮት ታምም ንዛም ክታበት ተ፡ ታምም ንዛም ክታበት ዶል እንብል እግል ኩሉ እተ ህግደ ለሀለ አክራን እብ ገበይ ዋድሐት ለወክል፡ ኩሉ ለክትብ ወለቀርኦ ለለአምሩ፡ ኩሉ

ለሽዑብ ለትክበተዩ በሀለትናቱ፡ እለመ ሸርጥ እለ ኩለን ሀገጊ ኤርትርያ እትመማቱ ተን፡ ሰበቡ ህዩ ኩለን ሀገጊ ኤርትርያ ሐቆ ብዙሕ በሐስ ዕልማይ ለትዳለ ንዛም ክታበት ሀለ እግልን፡

3. ለሳልሳይ ሸርጥ ህዩ ሀለዮት ርቱዕ ወዕጉል ሰዋሰው ተ፡ ለገብአት ህግደ ሰዋሰው በ፡ ሰዋሰው ለአለበ ህግደ ይህሌት፡ ምናተ እት ኩብደ ለሀጃት ሰበት ሀለ ለሰዋሰው ልትፈናቱ፡ ከእብሊ ለሰዋሰው ኩሉ ለሽዑብ እግል ልኣምሩ ወእብ ሐቱ ገበይ እግል ልትነፈዕ እብ እግል ልትከተብ በ፡ ለበዝሐ ሀገጊ ኤርትርያ አክትበት ሰዋሰው ሰበት ኢትዳለ እግልን፡ እለ ሸርጥ እለ አትመመያሁ እግል ኒበል ይእንቀድር፡ ከእብሊ እትለ መጃል እለ እግል ንሸቄ ክም ብኸ እመር ሀለ፡

4. ለራብዓይ ሸርጥ ዐቦት ህግደ፡ ሀለዮት ክሊማት ብዙሕ ወርቱዕ ተ፡ ለህግደ እት ኩሉ መጃላት መንበር ወዕልም ለትትነፈዕ እብ ክሊማት ፋይሕ ለአትሐዘዩ፡ እለ ህዩ እብ ገበይ

አትዳለዮት ክብት ቃላት (ቃሙስ) ለገብእ ተ፡ ለበዝሐ ሀገጊ ኤርትርያ ቀዋሚስ ካፊ ሰበት አለበን እለመ ሸርጥ እለ አትመመያሁ እግል ኒበል ይእንቀድር፡ ወእብሊ እት መጃል አዳለዮት ቀዋሚስ እግል ንክደም ብኸ፡

5. ለሓምሳይ ሸርጥ፡ ሀለዮት እበ ህግደ ለክትቦ ኬትበት ዕሉማም ተ፡ የም እብ ኩለን ሀገጊ ኤርትርያ እግል ልክተቦ ለቀድሮ ኬትበት ፋርያም ሀለው፡ ከእብሊ እግል ልትናየቶ ለክትበዉ አክትበት እግል ንትዛቢ ምናም ወሕኩመትመ እግል ተኣትናይቶም ወጅብ፡

6. ሳድስ ሸርጥ፡ ሀለዮት ክም መሰል ሰኔት ለልትነሰእ አክትበት ተ፡ እለ አክትበት እለ ለተርጀመ ናይ ዓለም አክትበት ሕሩይ አው ምን ሰልፋ እበ ህግደ ለትከተብ እግል ልግባእ ቀድር፡ ለናይ ሰልፍ አክትበት ለተርጀመ አክትበት ምን ገብእ ለሐይሱ፡ ሰበቡ ህዩ ላመ ኬትበት እንዴ ኢቀርኦ እግል ልክተቦ ሰበት ኢቀድሮ፡ ሰልፍ ምን ሀገጊ ቅዱማት ለተርጀመ አክትበት እግል ልቅርኦ ዐም፡